





# مردمی

ایکینچی کتاب

اورتا تدریسات مکتبلرینه مخصوص

(طبع اولونیور)








آبلامك قويننده ، طلق ،  
ویر یریمی قارا طوبراق !



کوچوک مزار ، ایکلیورسک  
صانکه دریندن دریندن ؛  
کوچوجوک طاش ، دیکلیورسک  
صانکه بنی قرآن اوقورکن .  
فاتحه می اکلادکی ؟

یوز کده کولیور کللر ،  
کوچوجوک طاش ، فاتحه می  
آبلامك روحنه کوندهر !



کوچوك مزار ، هر كیجه بز  
 قویون قویونه ایکیمز ،  
 كوچك آبالمله یاتار كن  
 جنتدن بر ملك اوچار ،  
 بزه كلیر ،  
 بزى آنه م قادار سوهن  
 ملك ، قانادینی آچار ،  
 كوزنده بر  
 چوجوق قادار كوزل رؤیا ،  
 ماصالار سویله ردی کویا ....



کوچوك طاش ، کوچوك مزار ،  
 قوینكزده سزك كیم وار ؟  
 قاردمی ؟ ایشته كلدم ،  
 قوینكزی آچك بكا ؛  
 چوق یاراشیر  
 کوچك تابوتجغم بنم ،  
 قاردمك طوپراغنه ؛  
 بریر واردر



طونبول آللی قاردشمی ....  
 بنی کلسین ده اوقشاسین  
 ایپک آبلام؛  
 ناصل آلدک سن آشمی ؟  
 براق بنمله یاشاسین  
 ملک آبلام .  
 قارا طوپراق نه خائسک ،  
 آجیل ، آبلام بکا کلسین !



کوچوجک طاش ، بنی دیکله :  
 کیجه لری بن اننه مله  
 یاتیورم ؛ لکن آنهم  
 بنم کوچوک آبلام ذکیل ،  
 یاوروم آبلام ...  
 کوچوجک طاش ، سن بونی ییل :  
 آنهمی بیك ییل ده سوسه م  
 بن اونوتمام  
 کوچوک آبلامک یوزینی ،  
 ییلدیز یاقیشلی کوزینی !





يورغون دوشدك آرتيق سن ،  
 كل ، ديككن ....  
 كلدك ، دوردك ؛ كوكلمدن ،  
 اوپدم بن !



### كوچوك مزارى زيارت

كوچوك مزار ، كوچوجك طاش ،  
 يوره كجكم سزه يولداش ....  
 قوينكى آج كوچوك مزار ،  
 بن كيرهيم ؛ قاردشجكم  
 قوينكده در .

بوينكى وير ، بن اوپيم  
 كوچوجك طاش ؛ صيرمه صاچار  
 بوينكده در .

طوپراق قاردشسزى قالدك ،  
 ابلامى سن نچين آلدك ؟



كوچوك مزار ، طونبول طونبول  
 دوروپورسك ؛ سن بكا بول

« مه ، مه ! » ديه رك سن كلذك ،

تين ، تين تين ؛

دورمام ، قوشارم بن لکن ،

اوردن اين !

کل ، کل قارا کوز ... وای تنبل ،

کل ، کل ، کل !

کلذك قوشارق تل ، تل ، تل ....

ویردم آل ،

آلذك ، اوبذك .... چوق شیطان

بر حیوان ،

یوق : بر قوششك پك پران ،

شن ، خندان .

قوشدق ، قوشدق ... یر ، یر ، یر ،

هپ ترلر

دو کدم ، قارا کوز ناز کلر

بکلرلر .

یاوروم قوزوجق ، دور ، بکله !

بر حمله

ایتدك نیه بر تین تینله ....

باقی ، دیکله :

چکینیر بویله ، حرمتلر اوکا ،  
 فن یاوروسیدر قوجامان ما کینا !  
 باقیکز دیکیشه ، نهقادارده کوزهل :  
 کویا اریمش اینجی دیزر آل .  
 اطلس سوزولوب سوزولوب آچیلیر ،  
 ییلدیز ییلدیز کلر صاحیلیر .  
 غری غری... غر... غر . آرتیق دوردی  
 کوچوچک شیطان نینه سنه صوردی :  
 — کیمی دیکدی سنک دیکیشکی؟ سویله!  
 — سن دیکدک .

— اوت دیکدم آلمله .  
 سن طوتدک آلیدن اما ایکنه  
 او کرمدی یا ، آفرین آنه !



### قوزو

مینی ، مینی قوزوجق ، یاوروم سن ،  
 آنه کدن  
 قاجارق کلدک پک ایرکن ،  
 اویناق ، سن .



— اولماز ياوروم .

— اولماز ، اولماز ،

هرشی اولماز ، ینه بن یاراماږ !

بن اوینارکن دویدم سسینی ،

قوشدم کلدن ، دوندرمه سنی

اوکر نمشدم بر داهای کویستر ...

— کل ویر الکی ... هایدی برابر .

— اوح اننه جکم ! .....

فرفر دونیور ،

چرخندن اونک آچیلوب سونیور

کویا کونشک آتس یاناغی ،

هر ایکنه سنی بر شیطان ایاغی .

شیطاندر اوت ، کوچوچک شیطان ،

آتس بوجکی ، مینی مینی آفاجان .

ییلدیز طاشیور صانکه باشنده ،

بر قیز کیدر ، التی یاشنده .

اوینار ، دوراماږ ، سویلهر ، باغیر :

غیری غیری ، غرغر ... غرغر غرغر !

غیری غیری ، غرغر ... دونیور ماقارا ،

یورویور ایپلک ... نه قادار فقرا

چو جوقلر ایچون قورشون قلمی  
 آرقاداشدر ، آله کلدیمی  
 یالکیزلق کیده ر ، اکلنجه باشلار :  
 بیاض کاغده شبنملر قادار  
 کوزهل و پارلاق سیاه اینجیلر  
 دو که رک یازار ؛ سطرلر کزلر  
 چالیشقانلرک هر کون یوزینه .  
 قورشون قلمی چو جوق کوزینه  
 بر جهان آچار جنتدن کوزهل :  
 بیللمیدر که اونی طوتان آل  
 فن قوشلری طوتمش دیمکدر .  
 قورشون قلمی صیل سوینیر ،  
 اویزار ، چیر پینیر ایشا دیلنجه !  
 قوقوسی کوزهل قابوغی ایخه  
 بر کل دالیدر بللی چو جوق ،  
 کوچوک آلرده اوچان یاو و جق .



### دیکیش ما کیناسی

-- فرقر دونیور کوزهل ما کینا ،  
 بن دوندردیم ، ویر اننه بکا .

( نزاہت نوینی اوپر )

نوین — خایر سن

بر ملکسک ؟ بن نوینم...

نزاہت — ملکدن

داہا کوزل بر یاوروسک سن نوین ،

ہب ملکدر دیورسکا آفرین !

« نزاہت آستارلری یچمکہ باشلار ؛ برر ، برر مدیخہ یہ

ویرر . مدیخہ بونلری کوچوک دیکیش ما کیناسنہ یرلشدیرر .

نوین ما کینائی چویرر . آستارلری ہیچ سس چیقارمادن

دیگرلر . نزاہت بونلری طوپلار ؛ ہب بردن آیاغہ قالقارلر . »

نزاہت — جیچی نوین ، کوزل نوین ہایدی کل ،

عقل وردک ، شیمدی دہ ویر بزہ ال !

« نوین نزاہت ایلہ مدیخہ نک اللرینی طوتارق

اوکلرینہ دوشر ؛ قوشہ قوشہ کیمدہرلر . »



— قورشون قلمی —

قورشون قلمی نہ کوزل شیدر ،

اونک قدرینی قوللانان بیلیر :

ہرآلہ او یار ، ہر ایشہ یارار ؛

صانکہ عقلی وار صانکہ جانی وار !



نویجکدن بکله مزدم...

نزاهت — بویله در:

بعضاً کوچوک اک بویوکه درس ویرر.  
آستارلری ، فیستولری هایدی بز ،  
کوزهل ، کوزهل یاپالیم ؛ سز دیکیکز ،  
بن بیچرم. صوکر ا کیده ر دادیمه  
اوابلری دیکدیررز ؛ یاریمه  
نروم وارسه بزده یاریم ایده رز.  
اوابلر نه کوزهل اولور باقیک سز.  
نم دادیم نه اوستادر !

مدیحه — شبهه یوق،

نهبیکل دیکدی سکا ...

نزاهت — نوین ، چوق

عقللیدسک ؛

نوین — خاییر آبالا ، بن کوچوک

بر چوجو غم ...

نزاهت — فقط عقلک پک بویوک !

کل اوپهیم کوزلریکی یاوروجق ،  
امان نوین نه سویملی بر چوجوق ،  
نه جن کیبی بر ملکدر !

سوزی کیی دیککنملی .

مدیحه — نزاہت ،

پك حقلیسك خطا ایتدم بن ، عفو ایت .

نزاہت — عفو ایدہرم حتی تقدیر ایدہرم ،

سن اوزولہ بنم ملک قاردشم .

نوین — سزه برشی سویلہیممی ؟

مدیحه — سویلہ .

نوین — بن

دیورم کہ اثوابلری اوکجه دن

یچمہ یلیم ، آستارلری یچہ لیم .

نزاہت — باق مدیحه ، ناصیل حقم وار بنم ؛

نوین ناصیل دوغرو بر سور سویلہ دی :

بوراجقده عجلہ یلہ بز شیمدی

قوماشلری طوتار ، کسر یچرسهك

اثوابلر پك چیرکین اولور ؛ بوملك

پك کوزهل درس ویردی بزه ...

( قالقوب نوینی اوپر )

نوین — یوق ، آبلای :

درس ویرمدم ، رجا ایتدم ...

مدیحه — بن اصلا

مدیحه — شو پنبه یی کورور کورمن بن دمین  
نزاھتک بیکنه یاقیشیر.

دیمش ایدم؛ اک کوزله لایقدر  
اک کوزله قوماشلرک ...

نزاھت — خاییر، سن  
پنبه یی چوق بکندکسه کوکلدن  
ویریورم سکا ایشته آل، باشلا.  
مدیحه — خاییر آلام: او سنکدر.

نوین — یوق آبالا،  
شیمدی سنک اولدی پنبه...  
مدیحه — قارشما

سن اورادن!

نوین — قارشمایم بن اما  
بویوک سوزی دیکلملی دین سن  
دیکلمیسک؟

مدیحه — شمدی آرتیق نویندن  
آباللری درس آلاچق او یله می؟

نزاھت — او ناصیل سوز مدیحه جق؟ سن أمی  
هیچ بر داها بویله یاما: کوچوکک  
دوغرو سوزی دنیاده اک بویوکک



آل سن نوین ، شو قیرمزی ایپکلی  
 پک کوزه لدر ؛ لکن ای بیچملی .  
 نوین — بن یاپامام ، سن بیچ اوئی نزاht .  
 نزاht — بن یچرم...  
 مدیحه — آبلایغم ، سن البت .  
 بتمکینی ده یچرسک ؛  
 نزاht — یچرم ،  
 سن اوزوله ؛ لکن جیچی قاردشم ،  
 هانکیسنی ایستیوزسک ؟  
 مدیحه — قوماشلر

اویله چوق که !  
 نزاht — آننه جکم هپ طوپلار  
 پارچالری بکا ویریر ؛ شو یشیل  
 نوکلی ناصیل ؟  
 مدیحه — سن بیلیرسک .  
 نوین — او دکیل ،  
 صاری کوزهل .

نزاht — نونجکک حق وار ،  
 آل صاری بی سن مدیحه ؛ چوجوقلر ،  
 شیمدی بکا بر قوماش سنز بکنیک .

نژاهت — سن ده بر

ملك كيبي قيرجغزسك ؛ پك اعلا ،  
اويله اولسون ، هايدى نوين سن باشلا .

نوین — نه ياپاييم ؟

نژاهت — كچير اوكجه ايلكي  
ايكنه كه سن .

« نژاهت ، مديحه ايكنه لرينه ايلكلري كچير لر . »

نوین — « ايلكي ايكنه سنه كچيرمك ايجون بر چوق  
اوغراشدقن صوكرا »

نه ده كوچوك دليكي !

مديحه — وير يا وروم ، وير . « نوينك ايكنه سنى

آلبر ، ايلكي كچيرير »

ايسته كچدى ؛ نا ، تمام .

نوین — بن كوچوكم قولايجه جق ياپامام .

نژاهت — نه اولور ؟ بز سكا يارديم ايدەرز .

نوین — ايتمز سه كز ديكه نم كه ...

نژاهت — شيمدى بز

قوماشارى آيراليم ... نه قادار

بر برينه كيرمش امان ، پارچالر

« قوماش پارچالرينى آيردقن صوكرا »

مدیحہ — یوق بر دادی  
 بولمالیدی اوچ بیکہ او زمان.  
 نوین — بن ہم دادی ہم آنہیم ...  
 نزہت — بر انسان  
 ہم آنہ ہم دادی اولمازا!  
 نوین — جانم بن  
 یالانجقدن اولاجغم ...  
 مدیحہ — ایسترسک  
 اویله اول سن ؛ بز یالکیز آنہیز.  
 نزہت — لاقیردیله ایش یاپیلماز ، کلکیز  
 چالیشمغه باشلاہلیم ؛ نوین سن  
 ہانکیسنی ایستیورسک؟  
 نوین — یوق ، بندن  
 صورماییکز ، سز ویریگز.  
 نزہت — شو نوین  
 نہدہ اوصلو یاوروجقدر ، آفرین .  
 باقیک شیمدی : اوچ بیکدن کوچوکی  
 نوینکدر ؛ مدیحہ نک بویوکی.  
 مدیحہ — یوق آبلہ ، یوق اورتانجاسی بنمدر:  
 بن اورتانجا دکیلیم ؟

بر جان کیده جک .. هانی یا فرمانک؟  
 — اونی سن آرتیق کندی قفا کدن صور!  
 — چیقار فرمانی، یاخود چیقار جانک!  
 — توزدن، دوماندن فرمان اوقونمايور!



## بیک اویونی

« ۱۰ یاشنده نزاهت عسافرلری ۸ یاشنده مدیحه ایله  
 ۷ یاشنده نوینی آلارندن طوتارق اوداسنه کتیریر. اورتا برده کی  
 بویوجک ماصانک اطرافته کلیرلر. ماصاده بیکلر، بر دیکیش  
 طاقیمی، مینی مینی دیکیش ما کیناسی، برچوق قوماش پارچالری،  
 اطرافنده اوچ صاندالیه. چوجوقلر اوطورورلر. »

نزاهت — کلک بیک اوینایالیم چوجوقلر.  
 نوین — امان بورده نه قدار چوق بیک وار!  
 نزاهت — چوقی؟ زده؟ بیک طوپی اوچ دانه.  
 مدیحه — آلور مزمی؟ هر بیکه بر آنه.  
 نزاهت — هر آنه یه بر بیک دی، اولسه یدی  
 هر آنه یه اوچ بیک ...



دالایلر باغه ، باشلادی ضیافت ؛  
امان نه قادار برکتلی نعمت .

\*

\* \*

باغچی اوداده بر خیشیلتی دویدی ،  
همان کوزینی بر دلیکه قویدی ،  
برده نه گورسون : تیلکی قویروقلری  
یلپازه کبی آشاغی یوقاری ،  
سالانیورلر باغک ایچنده ... !  
یاتاقدن قالقدی ، یاواشیجه جق ایندی :  
« بن زاغارلره بر یول ویرهیمده  
قوجا تیلکیلر ، کورورسکز شیمدی  
قولایمی بوایش ! » دیمکه قالمادی ،  
فیرلادی باغه سکز قادار زاغار ...  
باغچی توفکی انه آلمادی ،  
چوبوغنی یاقدی ... ییلدیرملر قادار  
قورقونج سسلرله قویدی بر قیامت !  
تیلکیلر کچدی هپ بربرلرینه ...  
امان یاربی بونه مدهش آت !  
— چیقار فرمانی ! هرصالقیم یرینه

روزگار آلمایان کونشلی یارینه  
بر باغ یاپیلمش ، هپ کیده لم کلک .

اوزوملری وار : ییلدیز قادار پارلاق ،  
مردانه فندق هر صالحیم صراخی ؛  
هوا بولانیق ، آیده چیقمایه جق ؛  
خیرسزلق ایچون کیجه مز پک ای . «

دیدیلر : « اعلی ، کیده لیم فقط  
زاغارلر یوقی ؟ بو ایش براز سقط . «  
— اونلره قارشی فرمانم وار بنم ،  
سز هیج قورقمایک ، بویوروکز کیده لیم .

هپ یوللانیدیلر ، براز زمان صو کرا  
باغه واردیلر ؛ برده باقدیلر که  
باغ پک درینده ... اینمک قولای اما ،  
چیقمق براز کوچ ؛ لکن قوجا نیلکی

« فرمانم واردر ، چوجوق اولمایه لیم !  
تأمیناتی ینه تکرار ایتدی .  
آی براز چیقوب ، اوزوم صالحیم صالحیم  
کورونمسنیمی !.. آرتیق قورقو بیتدی .

آلا جغم بن او غلومه !  
 دیدی بابا . آبلایله  
 قوجا بر بیک قازاندی  
 فکر تجکک هم تیله .

شونی ای بیلکیز که  
 عقللی اولان چو جو قمر  
 ایسته مکله دکیل ، آنجاق  
 چالیشمقله قازانیر لر .

دکیل آنه ، بابا ، حتی  
 بزه جانی ویره ن یزدان  
 ایسته مکله دکیل ، آنجاق  
 چالیشمقله ایدره احسان .



توزدن دوماندن فرمان اوقونما یور !

تیلکینک بری آرقاداشلرینه  
 دیدی که برکون : « قارشیکی تپه نک

فکرت مکتبده چالیشدی ،  
 چالیشدی اوچ چوجوق قادار ؛  
 اون آفرینی کتیردی .  
 — آل آبلاجیم .

— « اویونجاقلر

شیمدی کلیر ایشته فکرت . »  
 دیدی آبلا . همان بابا  
 یاقلاندی ، آکلاتیلدی  
 فکرتجکک دردی اوکا .

بابا برشی سویلهمدی ؛  
 لکن قوجا آفرینلر  
 الندن هیچ دوشمیوردی .  
 بابالر سوزی آز سویلر ،

چوق ایش کورورلر : او اقشام  
 فکرتنه رشمندوفر ،  
 بریسیقلت ، برده قامچی  
 کلدی . — « داهای داهای نه لر

— بنی دیکله فکرت ایچه :

باغیرمقله ، آغلامقله

برشی آلامازسک !

— پکی ،

نه یاپالیم جیجی ابلا ؟

— « هفته سوکنده مکتبدن

اون آفرین کتیریرسهک ،

بابامزه سویلرمده

ایکی اویونجاق سکا بن

آلدریرم ؛ باشقا تورلو

برشی آلامازسک ! .. آرتیق

کل کیده لیم ! .. »

فکرت صوصدی ،

صوکرا دوشوندی آزیجق ؛

نهایت یوله قویولدی ،

لکن قلبی مسرور ایدی :

چونکه کندی کندیسنه

« البت چالیشیرم » دیدی .



جبنده پارا اولانك .

— هایدی بز پارا ویره لیم !

— قاج پاراك وار ؟

— بر آلتشلق !

— بنده بر چیرهك ، هپسیله

شو کوردیكك جیجیلردن

بردانه آلینماز بیله !

— بن برشمندوفر ، برده

بیسیقلت ایسترم آبلای !

— اوو ، اوو !

— مطلقا ایسترم !

— سن آرتیق دورما ، صایقلا !

— ایسترم بن ... هم هپسنی !

— فکرت چیلدیردنی ؟ هایدی ،

کیده لیم .

— کیتیم ، ایسترم ...

آبلا دوشوندی و دیدی :

فکر تجھک کوزلرینہ  
سانکھ کلیر ، کیرہر ، پارلار .

قوجا بیک داوولیلہ  
تا اور تادہ ؛ اطرافنی  
برچوق بیک ، طاوشان ، کوپک  
صارمش ... برقامچی ییغینی

شوراجقده آصیلیور .  
قوطو قوطو شمندوفر ،  
تراموایلر ، آرابالر  
ستیمبوتلر ، یسیقلتلر ،

اودا طاقیملری ... داها  
نہلر وار ، یاربی نہلر !  
بو اوینجاق عالمہ  
چوجوقلرک روحی گولہر .

فکرت صوردی : - آبالاجم ،  
بونلر کیمک ؟

— سنک ، بنم ؛

نزاھتجك ھې بونلری آكلادی ،  
مكتبنده كندی اولدی برانجی ؛  
هم جالیشدی هم سودیردی کندینی .  
صنفندن قولایلقله برنجی

چیقویوردی . آریلیرکن مکتبدن  
ھې خوجالر ، آرقاداشلر آغلادی .  
دولدی علم اینجیلری ذهنته  
نزاھتک قلبی الماس باغلادی !



### اویونجاقلر

قوجا بردکان اوکنده ،  
کوچوک فکرت آبالاسیله  
پارلاق جامک آرقاسندن  
باقیوردی دالا دالا !

ایچریده اویونجاقلر ،  
تورلو تورلو اویونجاقلر ،

ایشلرمشم سزه قارشى ! عفو ايدك .  
 بوندن صوگرا هيگزه قارشى بن  
 بر آرقاداش ، بر خدمتكار اولورم ؛  
 عفو ايديكز !...

داها سوزى يتيمه دن ،

ايكى بويوك قيز كيدهرك مديره  
 كردانلغك قويدىغنى آكلاتدى ؛  
 مدير بك بر امر ويردى : مارانغوز  
 كلوب بوتون تخته لرى فيرلاتدى ؛

برر برر طوپلانيلدى اينجلر ،  
 صاييلارق ايريشيمه ديزيلدى ؛  
 نزاھت ده بووقه نك اوستنه ،  
 انسانلق نه ، نزاھت نه در بيلدى !

خوجا خانم صوگرا اوکا دیدی که  
 « قیزم ، بویله اینجی فلان مکتبه  
 کتیریلز ، اونى صاقلا اوگده ؛  
 بورده طاقق مخالفدر ادبه . »





— دیدی بری — بزده بویله کردانلق  
ایسته یه لیم بابامزدن ؛

— بابا کنز

سزك زنکین دکیل ، بونی آلاماز .  
زووالیلر ، سزك ایچون یالکیز

بریا لانجی ایجی ، یاخود بر بونجوق  
کردانلقدر آسناجق ، بیلکیز .  
هیچ نافله اوزولمیک ، جهانده  
فقیرسکیز ، قاتلانیکیز بوکا سز .

شو سوزلردن چوجوقلر پک مضطرب ،  
غایت مایوس اولمشلردی ؛ برزمان  
عظمتله ، اوکونمکله سودیرمن  
مکتبنده کندیسینی برانسان .

اوکبرلی ، نوبران قیزك باشنه  
نه لر کلدی ، باقیک : برکون کردانلق  
قوپو ویردی ؛ جیوا کیی ایخیلر  
یووارلاندی ... تختلر هپ آراق ،

منزه سویلهز چوجوقلر  
 که انسانک عقلی دار  
 اولمایدنجه چالیشیر ،  
 علاجه یك آلیشیر .  
 علاج بویوک احتیاج :  
 یا اولوم وار ، یا علاج !



### اینجی کردانلق

طاقش اینجی کردانلقی بویننه ،  
 کلدی بر کون مکتبنه نراحت ،  
 هم تمیز هم بویوک بوتون اینجیلر ،  
 نراحتک بویننده وار بر ثروت .

هپ چوجوقلر طوپلانیدیلر یانسه ،  
 حیران حیران کردانلغه باقدیلر :  
 — آمان ، آمان ! بو کردانلق سنکمی ؟  
 — اوت بنم ، بانام آلدی .  
 — چوجوقلر ،

دیدى دو قنور . صو کرادن

خاستالانسه نه زمان

ر مین ، دو قنور اوزا قدن

قیصقاج کیبی پک یامان

ایکی پارمق کوستیر ...

یا پاچنی بللیدر :

ینه بورنی طوتاجق !

لکین نرمین آواناق

دیکلدى هیج : قیصقاجی

کور دیمی او ، ک آجی

علاجی ده ایچه ردی .

بوغازندن کچه ردی ،

سینامه کی ، هند یاغی ؛

اوصلو اولدی بایاغی .

داها صو کرا فیصقاجسز

بیله ایچدی ؛ قیزجغز

آ کلامشدی که مطابق

دو قنور سوزی، اولاجق .

کوزده لاسکله اولمازسه ،

زورله اولور ؛ بو قصه

دوقتور دیدی : کل دادی

هانی علاج ؟ « قاپادی

زمین هان آغزینی .

فقط دوقتور ، خرچینی

برآز ایکدی ، بورنندن

طوتدی ؛ « سنی آفاجان ! »

دیدي ، آغیز آچیلدی ؛

— هایدی ، هایدی کل دادی !

شیمدی علاج اینیور ،

بوتو . ، بوتوم سینیور

زمینجکک قارننه ،

قورقو کچدی جاننه !

صو کرا دوقتور کوچوجک

بورنی آچدی .

— زمین پک

آجیمیدی !

— خاییر ... یوق ...

— علاج آجی هم پک چوق ،

لکن اوندن بن آجی

چیقدم ، یوندک علاجی !

بوكون علاج پك لازم .  
— ينه اچمز .

— باقاليم !

سز چكليك شورايه ،  
قارشماييك نايه .  
هايد نرمين ، قالق !  
— خاير ،

اچمم ، اچمم آخيدر .  
دوقتور همان ياناقدن  
قالديره رق آفاجان  
قزى طوتدى صيقيجه  
قوجاغنده ؛ او قوجا  
قوللرندن بريله .

نرمين ايتدى بر حمله ،  
لكن كوچوك باجاقلى  
صيقيلمشدى ، نه اوينار  
نه نيميلدار ديزلرك  
آراسندن !

— واء نرمين ...



بیلدیز ، بیلدیز آتشلر ! ...  
آنه ، بابا برابر

قوشارلردی پشندن .

— هیچ کلیمک ایچم بن !

ایشته صوک سوز ؛ علاج یا

هیچ ایچلمز مطلقاً ،

یا خود آنجق بر قاشیق

ایچیلردی . آزیجق

آجی اولسه آغزندن

چیقاریردی آفاجان .

چوق شکر که نرمینه

خاستالقلر هر سینه

غایت خفیف کلیردی ؛

دوقتور بونی بیلیردی ،

علاج ایچون پک اصرار

کوسترمزدی . بر بهار ،

نرمین بر آز آغیرجه

خاستالاندی ؛ باقینهجه

دوقتور دیدی : باق شیمدی

اولماز ایچدی ، ایچمدی ؛

سکا نه لر آلیرم .

— یوق ، اولماز یوق ...

— ایچ نرمین ،

بن ایچیم کتیرک .

— نرمین ، ابلاک ایچاچک ،

هایدی ... — ایچسین ...

— یابیک

صو کرا کیملک اولاجق ؟

— سنز براقیک ، بن مطلق

ایچیریم نرمینه .

— ایچهم بن ، یوق آنه !

ایشته بویله هر زمان

رجا ، تشویق اولمادن

بمضاده خیلی تکدبر

ایشیتمادن نرمین بر

بوتوم علاج ایچمزدی .

اوخیرچینجق بر کدی

کبی فیرلار ، قاچاردی ؛

کوزلرندن قاچاردی

## علاج

کوچوک « نرمن » علاجی  
 هیچ سومزدی ؛ او آجی ،  
 او فنا صو ایچیلیر  
 شیمیدر یا ؟ نرمن بر  
 خاستا اوله باباسی ،  
 آنه جکی ، آبلاسی  
 علاج آلدیم کلیر لر ،  
 یالوار لر برابر .  
 نرمن برچوق نازلانیر ،  
 آغلار ، دیردی آجیدر  
 بو علاج بن ایسته م .  
 — آل المدن ...

— ایسته م ،

ایچه م بن !

— ایچ یاورم ،

سکا قربان اولورم .

— خاییر ایچم ...

— ایچ قیزم ،

پاشا حضرتلری بونی بر انسان  
ظن بو یورو یورلر ! آیکی کوزم ،  
آراسنه آتدم یار اقلرک بن  
سکزر کوندن بری بر خیلی اوزوم ،

ایم آلیشدی ده آرایور شیمدی .  
آلینی آغزیننه کورمدیکزمی  
ناصیل کوتورویور ؟ اوزوم اولماسه  
بوتی هیچ یاپارمی ؟ بن افتدیمی

شو کوچوک حیلہ بی کورور ظن ایتدم !  
بو سوزک اوستنه کیتمش چنیکانه .  
بو قصه دن صوکره شو حصه قالمش :  
صحیفه لرینی بر بر اوستنه

کتابک چو یرمک هیچ آ کلامادن  
غایت فنا تأثیر بر اقرده باق  
نه دیرلر بویله شی یاپان انسانه :  
بو اوقومق دکیل ، اوزوم آرامق :



چنكانه ديمش كه : فرمان سز كدر ،  
لكن اوقوياما ز درس او كرنمهدن ؛

قولكزه ويرك بر هفته مدت ،  
صوكر ا كتهريم ، اوقور مطلقا .  
پكي ، اويله اولسون ؛ هايدى كيت ، او كرت ،  
صوكر آل كل بكا بويورمش پاشا .

بر هفته كچنجه چنكانه كلش ،  
النده بر كتاب كه هر ياراغي  
قالين بر تخته دن ياييلمش ؛ آي  
همان يره چوكش ، اوي باياغي

بر كتابك بويوك حقيقلرى  
كيي چويرمكه باشلامش ؛ قورناز  
چنكانه ديمش كه : ايسته اوقويور .  
پاشا حضرتلرى بويورمش : پك آز

بر معرفتدر بو ، آينك سسي  
هيچده دويولمور ؛ بويله اوقومق  
اولور ميمش حيوان ، اوقوديني نه ؟  
چنكانه كولهرك ديمش كه : مطلق



دوروب باقیورلر ؛ بر چوق پارالر  
 قازانیور آی اوینلریله .  
 وزیر مراق ایتمش ، آدام کونده رمش ،  
 دیمش که شونی سن ایجه اکلا :

ا کر آی بزم بیلدیکمزدن  
 پک عقللی ایسه آل بکا کتیر .  
 آدام کیتمش ، کورمش ؛ پک چوق بکنمش ،  
 بویله آی دیمش بولونور نادر .

همان چنکانه نی ، آی بی آلمش ،  
 کتیرمش وزیره ؛ باشلامش آی  
 بر چوق او یون یامش ، هله غایت کوچ  
 برقاج طاقلاق قیلمش آلدہ صوبایی

اویناندیجه ظالم چنکانه ، فقط  
 وزیر بکنمه مش هیچ بر او یونی ؛  
 دیمش که : چنکانه نافله آیک ،  
 هر آیی بحریر مطلقا بونی .

ا کر سنک آیک عقللی ایسه  
 بر کتاب اوقوسون ، دیکلیهیم بن .

باشجغزینی دیشلریله  
 قوپاردی ده کوله ، کوله  
 آتیوردی !.. ایشته چیانم ،  
 قورد ، کر کدان ، اصلان ، قابلان  
 بونی یایماز ؛ ظالم انسان  
 یاپار آنجاق ؛ ظالم اولان  
 وجدانسزدرد . جناب حق  
 اونی برباد ایدر مطلق !  
 ایشته سزه سویلدم بن ،  
 عبرت آلیک شو سوزدن :  
 دنیاده اک مضر حیوان ،  
 مرحمتسز اولان انسان !



### آینک کتاب اوقوماسی

اسکی پاشالردن بر جاهل وزیر  
 خبر آلمش که بر چنکانه هر کون  
 سوقاقلرده غایت عقللی ، ماهر  
 آبی اویناتیور ؛ کچنلر بوتون

یا قالا یوب یره اوران ،  
 باغیرنجہ کونوب دوران ؛  
 یا خود کوزہل بر کوپکہ  
 — انسان دویمازکن سومکہ —

سرت بر تکمہ یرلشدیرہن  
 انسامیدر ؟ .... بیلیم بن  
 اویله وحشی بر چوجوق کہ  
 بوش قالدیعی ، قفسده کی

قاناریہی یا قالاردی ،  
 تو یلرینی هب یولاردی ؛  
 باغچه ده کی بوجکلری  
 طوپلار برر کوچوک دری

کیبی دیزدر ایپلکلره ،  
 اوصاتجہ صوکرایره

فیرلاتیردی ؛ اوستنه بر  
 یامان تکمہ یرلشدیرر ،

اولدوروردی ! بر کون بوبک ،  
 بر قوش طوتدی ؟ نه یامان شی :

اونی اور مق وظیفه مدر ،  
 وطن ایچون جان ویریلیر .  
 لکن انسان دورور ، دورور ،  
 قاردشنی بیلہ اورور  
 اوفاجیجق بر حدتله ؛  
 بونی یاماز صیرتلان بیلہ !  
 الك کوچوک بر نفعتک  
 وارمی ؟ سنک ایچون نه ین  
 نه وجدان نه علی قالیر ،  
 ألكه بر الاح آلیر ،  
 اولدورورسك ! سزه دکیل  
 سوزم ، لکن قاچ بیک قاتل  
 واردر بوکون شو جهانده ؟  
 بو کورولمز بر حیوانده !  
 هله دوروب دورورکن بر  
 حیوانجی ازمک نه در ؟  
 بر کدیجک اویویورکن  
 یاواشجه جق اللرندن

فیلینج ، توفک ، طوپ ، طابانجا  
انسانلری میلیونلرجه

اولدورمکه کافی ایکن ،  
چیقاردق بزینه فندن

تحت البحر ، بومبا ، مدهش  
طیاره لر ، غازلر ... هرایش

بوکون اون تورلو سلاحله  
کورولیور ؛ آرتیق آکلا ،

نه دهشتلی جانناوارز !  
انسانلره قازشی ! یالکیز

بوکون شویله دیلیدر :  
انسانیت مادام که بر

دکیل بر چوق ملت اولمش ،  
یوره کاره بیک کین دولمش ،

محاربه ضروریدر ؛  
بونى هرکس آکلار ، بیلیر .

وطنمه ایدهن حمله  
آنام ، بابام اولسه بیله ،

وحشت‌آری کور لرندن ،  
 حال لرندن ؛ شو وار که بن  
 اک مضرى هانکیسیدر ؟  
 سؤالنه الله بیلیر ،  
 پک کوچ جواب ویره جکم ....  
 جوابمدن بلکه بنم  
 پک ده ممنون اولمازسکز ؛  
 خوجایی سز لکن حق سز  
 بولمازسکز دوشونجه .  
 باقیك چوققلرم : بنجه  
 آصلان ، تمساح ، صیرتلا ، فالان  
 غایت مضر برر حیوان  
 اما ، اونلر انسان قادار  
 انسانلره ویرمز ضرر ؛  
 آج قالینجه پارچالارلر  
 هر حیوانی اوت اونلر ،  
 لکن باقیك نروده وار ؟  
 نرم کیی بر جاناوار ؟



قاپلانمی ، ییلان ، آصلانمی ؟  
 یوقسه تمساح ، گرگدانمی ؟ ،  
 خوجا دیدی که : چوجوقلر ،  
 وجدانمه نورلر دولار ،  
 بویله کوزهل شیلرله سز  
 اکنمکی سوه رسه کز .  
 بیک آفرین سزه بندن :  
 دوشونمکه بویله کچن  
 هر دقیقه بر عصر در !  
 دوشونمه ین جاهل قالیر .  
 کله لیم بز دردیگز ،  
 نه دیملی بیلیم سزه ؟  
 سؤالکز قولای دکیل ،  
 اوکا جواب ویرمک مشکل ....  
 اوت ییلان ، قاپلان ، فالان  
 غایت فنا برر حیوان ؟  
 راست کلنجه اولدورملی ،  
 چونکه مضر درلر ؛ بللی

— اوح ، پك اعلا

ديديلر هپ . كوچوك صفا

كونده ريلدي دعوت ايچون

معلمي . همان بوتون

چو جوقلر پك تربيه لي

بر وضعيت آلدی ؛ آلی

آلتش کیشی دیزیلدیلر ،

همان کوزهل کوزهل ، ير ، ير .

معلم پك كلدي ، دوردي

— اقدیلر ، دیدی صوردي :

نه در بو کون سؤالکیز ؟

صنّف باشی دبدی که : « بز

اقدام ، بر خیلی زمان

دوشوندك اك مضر حيوان

هانکيسيدر ؟ ديه لیکن

بولامادق . شيمدی سزك

لطفکیزدن بکله رز بز ،

هانکيسيدر ؟ سويلاه يیکیز :

— خایر ، بوغا !

— یوق ، گرگدان !

— دکیل : تیلکی !

بیلمزسکز سز اوندهکی

قورنازلنی ، ملعنتی !

— یدیکی بر طاووق آتی ،

اوبرلری انسانلری

پارچالایور !

— اک خاشاری

اک ظالم اک آچاق اولان

حیوان نجبه خائن صیرتلان !

دیدى زیور .

— یا کرگدان

آز فنا می ؟ دیدی احسان ،

— بکا باقیك آرقاداشلر ،

دیدى صنف باشی ، اوزار

دورور بزم بو بختمز ؛

ایسترسه کز صورالیم بز

خوجامزدن .

آلتش چوجوق بر آرادہ ؟

بویوکاری اوک صیراده ،

سویلیورلر اونلر بوتون .

کوچوک اولان یاورو ایچون

دیکله مکدر لازم اولان .

— دنیاده اک مضر حیوان

هانکیسیدر ؟ دیدی نجات .

جواب ویردی هان غزت :

— ییلان .

— خاییر خاییر !

— قاپلان !

— دکیل ، دیدی صبری ، آصلان .

— آصلانمی ؟ او پک نجیب بر

مخلوقدر .

— بن ، دیدی نادر ،

قورده اک چوق مضر دیرم .

صبحی دیدی که : افندم ،

تمساح واردر ؛ او اک فنا

حیوان نجھ .

بر قوجا قویوندن داها قیمتی !  
 کلیک ، آلك شونی ؛ بالیقچی یه بر  
 چه رك مجیدیہ بخشش ویریکز .  
 امان بویله بالیق ناصیل یه نیلیر ! »

بالیقچی دویونجه بو سوزی اورور  
 قالقانی اوموزه ! بک دیر که « نه او ؟ »  
 بالیقچی ده دیر که « باشقا بر یرده  
 اوینا تمالی ہم بن ... »

— براق اوئی !

— یوو :

بم جو مرد بکم ، سنده عقل وار ،  
 بش غروشه قالقان بوقادار اوینار !



الك مضر حیوان

تعطیل وقتی یاوروجقار  
 باغچه یه هب طوپلانمشلر ،  
 هم کوزهل هم فائده لی  
 بر بحث وار ؛ بلکه آلی ،

بش غروشه قالقان بوقادار اوینار !

تصرف باشقادر ، خسیسلک باشقا ؛  
 بونی اینی بیلک ، خستت انسانی  
 بدنام ایدر دورور ؛ ایشته شو فقره  
 کوسته ریر نه دوندر خسیسلک شانی :

کانون ثانیده بر بالیقچینک  
 آعینه ناصیلسه بر قالقان کلیر ؛  
 آمان دیر بالقچی « کوتوره یم فلان  
 بک افندی یه بن : غایت زنکیندر ،

بوقادار موسمسز طوتولان قالقان  
 مطلق بک زیاده ذوقته کیدر ؛  
 کیم بیلیر کیفندن بکانه قادار  
 بول پارا ویره رک بویوکلک ایدر . »

آلیر قالقانی ، داها اوینار کن  
 کوتورور او بکه . بک دیرکه « آمان  
 بوقادار موسمسز بویوکلک دیب دیری ،  
 بک بویوکلک بک یاغلی بر نفیس قالقان

از انیت کو ستر مکده  
اوکا آسان ایدی هرشی .

خسته لانسه او مثلاً ،  
چو جو قله هپ کیده رلردی  
صنف صنف خانه سنه ،  
اونی مسعود ایده رلردی .

صادق بکک هر حالندن  
کور و نوردی بویو کلکی ؛  
اوکا مفتون ایدی قلباً  
مکتبنک اک کو چوکی .

نه دندی بو ؟ چونکه اونک  
پدری پک اصیل انسان ،  
غایت نجیب بربک ایدی ،  
اجدادی ده برخاندان .

غایت دوغرو برسوز واردر :  
اصیل اولان چوق سویلیر ؛  
هیچ یرایشی عادی اولماز ،  
زیرا بکدن کلن بکدر !



لازم کلسه فدا کارلق  
ایده لرلردی . معلملر  
بیله اوکا بویوک انسان  
ایمش کیبی سوزلر سویله ر ،

اونی پک چوق سوه لرلردی ؛  
مدیر پک ده صادق بکی  
چوق سوه رددی ... حاصلی او ،  
مکتبئنک کوز بیکی !

صنفتنده او برنجی ،  
حسن حالده او برنجی ؛  
کونش قادار پارلاق ذکا  
هرکالده او برنجی !

هرکس درسی اوکا صوزار ،  
کیمک اولسه براز دردی ،  
درمانی اوندن ایستر ،  
اوده همان بخش ایده رددی .

عالی جناب ، تربیه لی ،  
نازک ، کامل رکوچوک پک ؛

نصرالدین خوجا نك جبهسی

مردیوندن یو وار لائمش !

نصرالدین خوجا بر کون قهوه یه  
گیرنجه دیمش قومشوسی « آقشام ،  
اؤکدن کلن کورولتو نهیدی ؟ »  
خوجا دیمش که : « دویدو کی ؟ تمام :

جبهه دوشمشدی مردیونلردن ! »  
— جبه کورولتو یاپارمی بویله ؟  
— اوت ، یایماز ... بن لکن جبهه مک  
قالیور مشدم ایچنده شویله !



بکدن کلن بکدر

« ضرب مثل »

برمکتبده بر « صادق » بک  
واردی ؛ بویوک ، کوچوک بوتون  
چوجوقلرک حرمتی  
قازانمشدی ؛ اونک ایچون

بوقادارله قالسه ، خایر ، باباسی  
 دیدی برکون : « هایدی کل کور اولاسی !  
 بن فقیرم ، سنی اوده طوتامام ،  
 هرکون آجی آجی زهر یوتامام ؛  
 اکمککی قازانماک زمانی  
 چوقدن کچدی ، کل ده اوکرده جهانی ! »  
 تنبل نافذ برده میرجی یاتنه  
 بر ایلدی ؛ داها ایلک کون جانشه  
 قادار کچدی اوستاسنک دایاغی ،  
 اقشام اوستی طوتماز اولدی آیاغی !  
 بویله هرکون صوپا ، دایاق بیه زک  
 تنبل نافذ برکوچوجک کوسته بک  
 کیبی قالدی . اولدی ، کیتدی نهایت ! ...  
 کیم ایتمزسه وظیفه ره رعایت ،  
 ایسته بویله کوپک کیبی گبریر !  
 اللهک اک سومه دیکی تنبلدر .  
 اک مقدس وظیفه در چالیشمق ،  
 فرضدر بزه وظیفه آلیشمق .  
 بونی بیلیک ، یاوروجقلر سز آمان ،  
 تنبل نافذ اولمایکمز بر زمان ! ..

اولویورسك تنبللكده کیتدکجه .  
 دوشوندیكك یمك ، ایچمك ، اکلنجه ،  
 برده اویقو ؛ سنی قوجا مانغا فا ؛  
 نه درسندن چکدیکمز شو جفا ؟  
 تنبل نافذ سوقاقلردن کچرکن  
 مکتبنه کیتمک ایچون ایرکندن ،  
 اونی هر سس صفتیله چاغیریر ،  
 قولاغنه « تنبل نافذ ! » باغیریر !  
 تنبل نافذ ، تنبل نافذ دیه رک ،  
 تراموایلر کچورلر ؛ برکوپک  
 حاولادیمی ، تنبل نافذ دیولور ،  
 قولاغنه بوسس هر کون اویولور !  
 لکن نافذ آلدیرمازدی ؛ برانسان  
 آلیشیدی تنبللکه اک یامان  
 حقارتلر قولاغنه ویز کلیر ،  
 تنبللرک حالی ایشته بویله در .  
 بویله اما تنبللری مکتبلر  
 باریندیرماز ، برکون طوتار ، دفع ایدر .  
 طرد اولوندی مکتبندن نهایت ،  
 آمان یارب ، نه حقارت ، رذالت ..

اویوسون بیک یاوروم هو هو ،  
بیم ملک یاوروم هو هو !



## تنبیل نافذ

تنبیل نافذ نه بیچاره چو جوقدر ،  
اونک هر کس باشنه برطاش اورور :  
هیچ صفتسز سویله منزلر آدینی ،  
حقارتک هر کون دویار طادینی :  
— تنبیل نافذ ، قافیه قافاک دولماش ؛  
تنبیل نافذ ، ینه درسک اولماش ؛  
— تنبیل نافذ ، هایدی بر آرز قیملدان ،  
تنبیل نافذ اولاماز که برانسان !  
مکتبندن نافذ اوه کلنجه ،  
صورارلردی اوکا مطلق هر کیجه :  
— ناصیل نافذ ، تنبیلکدن نه خبر ؟  
چالیشد کمی ؟

— اوت !

— یالان ! .. بش بتر

قاپادك يا كوزلريكي ،  
 نیننی یاوروم ، نیننی نیننی .

\*  
 \* \*

ایشته نیننی سویله یورم ،  
 اویو بنم کوزدل یاوروم ؛  
 اویوسون بیک یاوروم هو هو ،  
 بنم ملک یاوروم هو هو ..!

آچوب دورما کوزلریکی ،  
 سنی یاراما زجق سنی !  
 اویوسون بیک یاوروم هو هو ،  
 بنم ملک یاوروم هو هو !

هو هو هو هو ، نیننی نیننی ،  
 آرتیق اوزویورسك بنی !  
 اویوسون بیک یاوروم هو هو ،  
 بنم ملک یاوروم هو هو !

میشیل میشیل اویودك یا ،  
 باقامازسك آرتیق بکا ؛

قالدم تمام بر آي شاقا يوزندن .  
شاقاجيلىق غايت كوجدر بيليكنز .

شاقا شكر اولور اك كوزه لسه ،  
قابا شاقا لكهن زهر كيدير ؟  
تربيه لي برچوجو غك شاقادن  
واز چكسى داهاتقدير ايديلير .



### نينى

جييجي بىك ، كوزهل بىك ،  
باقدك بكا س كوله رك ؛  
بنم مينيك بىكجكم ،  
بىكجكم ، ياوروم بنم ؛  
كل يات ، بر آز اويو ، نيجين  
آچيق دورور كوزجكلرك ؟  
ياتيرايمن بنده كور سن ؛  
اويقو آقار كوزلركدن !



برمکتبده شاقاجی ، پک شاقاجی  
بری واردی : احمد پک ، اوشاقایی  
صوک حدینه واردی بردی هر زمان ،  
لکن برکون آله ویردی یاقایی ،

باقیک ناصیل : شیشمانجه برارقاداش  
اسکملهیه اوطورورکن احمد پک  
چکیویردی اسکملهیی ؛ اوچوجوق  
پک شدتله یره دوشدی ؛ بو برشی

دکیل ، لکن چوجوقغز باییلدی ،  
یوزی صولدی ، دوردی صانکه نفسی ..  
هپ چوجوقلر قوشوشدیلر ؛ یاربی ،  
نه یامان برتلاش آلدی هر کسی !

یتیشدیلر مبصرلر ، خوجالر ،  
دوقتور کلدی ، چوجوقغز آییلدی ؛  
فقط اوکون بو حیوانجه شاقادن  
هپ چوجوقلر پک ایکره ندی پک ییلدی !

مدیر پک ده کلدی ، آلدی احمدی ،  
ایکی ساعت توقیف ایتدی ؛ اذنسز

## شاقا

شاقا نه در ؟ شاقا کوزه دل ا کلنجه  
 انجه فکر ، خوش حس ، طائلی ذکاوت ؛  
 ارقاداشلق عالمنده شاقایه  
 ویرملیدر پک سویملی برقیمت .

أوت ، شاقا خوش اولورسه چکیلیر ،  
 اونی یاپان بلسکه جانندن سویلیر ؛  
 « نه شاقاجی نه سویملی چو جوقدر . »  
 دیرلر اوکا ، شاقاجیللق بویله در .

لکن ..، أوت برلکن وار : شاقاجی  
 قابا ، صابا اولماملی ؛ برسوزله  
 برکوچوجک اشارتله اک نازک  
 قلبی قیرمق پک قولایدر . سزهله

یا هیچ شاقا یاپماییکز ، یاخودکه  
 یاپارسه کز دوشونهرک یاپیکز .  
 بن برشاقا ا کلاتایم سزهده  
 حکایه مدن بویوک حصه قاپیکز :

اونك خوي بوکا اویار :  
 چککسی هیچ دورماز راحت .  
 ساعت دادی بی چاغیر ،  
 طیق طیق اوتر دیوارندن ؛  
 دادی ساعته باغیر ،  
 سسکی کس ، دیر آفاجان !  
 ساعت عنادینه سویلهر ،  
 اورور طیق طیق ، اوتر چن چن ؛  
 دادی اوکا هجوم ایلهر :  
 « سنی صوصدوررم خیرچین ! »  
 لکن برکون ساعت دورسه ،  
 دادینك کوکلی بوش قالیر ؛  
 کیم کلوب ساعتی قورسه ،  
 اوندن بر آفرین آلیر .  
 ایکیسنك یاشی یوزدر ،  
 اویمزده بر عصر وار ؛  
 ایکسی ده پک کوربوزدر ،  
 داها بر عصر یشارلر !



صنف باشی

أل آله ، قول قوله

ایلری کیده رز ؛

یورولمق بیلمه یز ،

تورك اوغلی عسکرز .

أل آله ، قول قوله

اولادی وطنک ،

هرزمان أل آله ،

قول قوله یاشاسین .

هپ برابر

هرزمان أل آله ،

قول قوله یشارز ؛

اوردولر دویزیر ،

قلعه لر آشارز !



دادی ایله ساعت

بیم اوده پک اختیار

بر دادی وار برده ساعت :

بر حلقه اولوگیز ،  
 باقیگیز صاغ صوله ؛  
 حلقه من دوزه لسین ...  
 پک کوزهل ، آفرین .

هپ برابر  
 ال آله ، قول قوله  
 اوینار شیمدی بز ؛  
 بر حلقه اولورز ،  
 تور کولر سویله رز .

صنف باشی  
 آل آله ، قول قوله  
 صیچرایک یوقاری ؛  
 آچیلک همپگیز ،  
 اوزاتک قوللری .

هپ برابر  
 آل آله ، قول قوله  
 صیچرارز خوپ ، خوپ ، خوپ ؛  
 حلقه بی آچارز ،  
 قاپارز بز طوپ طوپ .

کو کر جینلردر  
کو کلره اوچار .

چو جو قلر ، خوب خوب  
اوینایالیم طوپ .

طوپ آتارکن  
قوللر آقمالی ،  
طوپ اوچویورکن  
شمشک چاقمالی !

چو جو قلر خوب خوب  
اوینایالیم طوپ .



تورکو

— ۳ —

صنف باشی  
چو جو قلر کلیمکز ،  
أل اله ، قول قوله

چو جوقلر خوب خوب ،  
اوینا یا الیم طوپ .

کوچوک آللرده  
کوچوجک طوپلر  
سرچهلر کیبی  
هوایه خوپلار .

چو جوقلر ، خوب خوب ،  
اوینا یا الیم طوپ .

اون ایکی ، اون اوچ ،  
اون دورت .. اون بشته  
قالدق بز ، ایواہ ...  
طوپ شیمدی مزده .

چو جوقلر ، خوب خوب ،  
اوینا یا الیم طوپ .

بویوک آللرده  
بویوجک طوپلار ،



سز قلعه لر ده ویرک ،  
 بز یارالر باغلارز ؛  
 سز وطنه جان ویرک ،  
 بزده سزه آغلارز !  
 بز کوچوکز ، سز بویوک ؛  
 بویوکه اک شانلی یوک !

## « ۲ »

خوب ، خوب آلتین طوپ ،  
 آللردن قاچار ؛  
 یره دوشونجه ،  
 هوایه اوچار .

چوجوقلر ، خوب خوب ،  
 اوینایالیم طوپ .

بر ، ایکی ، اوچ ، دورت ،  
 بش ، التی ، یدی ،  
 سکز ، دوقوز ، اون ،  
 اون بردر شیمدی .

سز كتيړك قاصاي ،  
 بز آچارز قاباغی ؛  
 سز قوروكز ماصاي  
 بز قوياليم طباغی .  
 بز كوچوكز ، سز بويوك ؛  
 بويوكلره آغير يوك .

طاشلری سز طوپلايك ،  
 بز اولری ياپارز ؛  
 هوايه سز حوپلايك ،  
 بز طوپلری قاپارز .  
 بز كوچوكز ، سز بويوك ؛  
 بويوكلره آغير يوك .

سز تارلاي بللهيك ،  
 بز فدانی ديكه‌رز ؛  
 طوپراغی سز آلهيك ،  
 توخومی بز اكه‌رز .  
 بز كوچوكز ، سز بويوك ،  
 بويوكلره آغير يوك .

- ویرك قازانی لازمدر بزه ....  
 نصرالدین خوجه دیمش اوزمان :  
 « قازانك اولدی ! » قومشو شاشیرمش .  
 - بوناویل سوزدر ؟ اولورمی قازان ؟  
 « با دوغورورمی ؟ » دیهرك قوجا  
 قاپی بی اورتمش نصرالدین خوجا !



## تور کولر

« ۹ »

بز کوچوکز، سز بویوك...  
 بویوكلره آغیر يوك :

اوقویالیم بز درسی ،  
 اوکره تیگز بزه سز ،  
 درسمنك نره سی  
 کوجسه تکرار ایدیگز .  
 بز کوچوکز، سز بویوك؛  
 بویوكلره آغیر يوك .

## دوغوران اولور .

نصرالدین خوجا بر کون قومشودن  
 برقازان آلمش ؛ دیمش که « یارین  
 کتیر یرم بن ، بو کونلک لازم ؛  
 قازانه برشی اولور صانماییک . »  
 ایرتسی کون بر تجره ایله  
 قازانی خوجه ویرمش برابر ؛  
 قومشوسی دیمش : بوتجره نه ؟  
 سویله باقالیم ....

— جانم برادر ،

آ کلامادکی ؟ قازان دوغوردی !  
 قومشو سونمش .... قازانی تکرار ،  
 بش کوندن صو کرا ایسته مش خوجا .  
 قومشو صانمش که ینه وار برکار ،  
 قازانی ویرمش ممنون اولارق ؛  
 لکن بودفعه قازان چوق قالمش .  
 بزم خوجاده ؛ قومشو خوجانک  
 اوینه کیتمش ، قانی بی چالمش :

چالیشدی هر ییل او یله .

هر سنه

برنجیدی ، او بویله

درسنه

چالیشد قچه سمان

نور سق

کلدی اوکا خدادن !

اک پارلاق ،

اک مکمل اک عالی

بروجدان ،

برعرفانله کالی

بی پایان

اولوب قالدی . یوره کدن

چالیشیق

بویو کلکه بیل که اک

بویو ک حق !



تنبلاکه اوردکمی ،

ایشکی ،

برکونجکزدوردکمی ،

پشکی

طوتاماسک کیمسه نک

بو بویله .

چوق چالیش هم پک متین

سوز سویله !

« لافله پینیر کیمسی

یورومز ! »

دیرلر کبرک پریسی بورومز

عاقل چوجوق کوزی .

بونی سن

اوکره نده بیل سوزکی

چوجوق قکن .

ایشته نجیب هم عاقل

هم انسان

هم نازکدی ، هیسچ غافل

اولمادن

سعادتى وار ايکن .

فلاکت

رغبت کورمن کیمسه دن ،

نه آفت !

نجیب ایسه پک پارلاق

امتحان

ویردی ، بوبرغالی حق

برانسان

چالیشیرسه قازانیر

هر زمان .

چالیشانی اللهدر .

امتحان

زماننده کوزه دن ،

بونی بیل !

عناد ، کبر ، لافله سن

« اون » دکیل

« بش » نومرو آمازسک

بیچاره ،

مکبتدهده قالمازسک ،

برکره

کلدی ، چاندی امتحان ،

تنبیلر

هپ دوندیلر صنفدن .

نه خبر

عجب بزم احساندن ؟

بر « یدی »

آلابیلدی لساندن .

سورمدی

بك چوق زمان امتحان ،

اون چوجوق .

کچدی اول احساندن .

نه بوزوق ،

نه محزون بر چهره یله

کوروندی ....

کوزونده کی نور بيله

بوروندی

ماتملره ! احسانی

چوجوقلر

سومن اولدی ، انسانی

آرارلر



آرسلان کیبی چالیشدی  
 کونلرجه ،  
 درس لرینه آلیشدی ؛  
 اکلنجه  
 کلدی اوکا اڭ کوچ شی .  
 پک امین  
 برقلب ایله امتحان  
 کوننه  
 منتظر دی .

— سن احسان ،

بوسنه  
 برنجیسک . دیورلر  
 تنبله .  
 بوتون او بر چوجوقلر  
 آل آله  
 ویرمشلر دی نجیبی  
 دوشورمک  
 مقصدیله توی کیبی !  
 بوش امک :

کتاب ، فلان آتیلدی

بریانه ؛

ایشه کبر قاتیلدی .

انسانه

کبر ، عناد اک فنا

شیلردر ؛

قوزولافلر عادتاً

که میرر

عز می ، سعی ذهندن .

باقیکز:

بونلر صحبت ایده رک

یالکیز

برصنقه قاپانان

نجییک

قلبنده وار اک یامان

اک متین

برقناعت برهمت .

اوشیمدی ،

« ایتملی یم چوق غیرت

بن ! » دیدی .

بزه هجوم بوقادار .

بن آرتیق

کیدییورم چوجوقلر .

— آزیحق

اوتاندی ده صنفدن

قاجیور ؛

کوزی سیاه بر دومان

صاچیور !

نجیب چیقدی . چوجوقلر

کولدیلر ،

آرقاسندن نه آکلار

نه دیکلر

بونلر شیمدی ؛ هربری

کندیجه

هر کسدن پک ایلری

پک اینجه

فکرلی پک کسیلدی !

درسلی

خیالینجه هب بیلدی

هربری .

انسان بوندن اوتانیر .

— حق بولور

یرینی بر کون البت .

نجیبک

حقیقی وار ؟ نه جنت !

— بن دهمین

آ کلاتدم یا ، بنمدر

بوییل حق .

— اوت احسان ...

— یوق نادر

اولا حق .

— کیم اولسه بز قیز مایز

نجیبدن

ماعدا ، نجیب یالکیز ....

— جانم بن

نه ادعا ایدرم

نه دهر

سوز سویله رم ؛ بکله رم ،

یتیشیر

یا قلا شماییک اوکا ها :

بر توقات

اینر همان !

— بودالا

کندک آت

اونی جانک ایسترسه ،

بکا سن !

— نجیب بزه کوسترسه

او کوزهل

جوابلری ، نره دن

بولویور ؟

امتحانده نجیب شن

اولویور

بز ترله رکن !

— بوییل بن

مطلقا

یرتجی یم ؛ نجیب دن

دائما

کری قالمق عیبدر !

— دوغرودر

بكم از يله چيقارم  
 ظن ايدەر !  
 — کيم سويله مش آجانم ؟  
 بوسوزلر  
 زدن چيقدي ؟ سزه بن  
 نه ديدم ؟  
 — آکلادق هر حال کدن ....  
 — پک نادم  
 اولدم آرتيق ، عفو ايدک  
 بنی سز ؟  
 بر شنی ديمم ؟ سز کيدک ،  
 امکسز ،  
 چاليشادن امتحان  
 يرينه ؟  
 برنجی سن اول احسان ،  
 بوسنه .  
 اونونجی يم بن ... آرتيق  
 براقیک !  
 — نجيب قيزدی بر آزجق ....  
 سز صاقين

یورجکی ...

— هله سن

چالیش بر

هفته قادار ، امتحان

ویررسک ؟

بو سوزمی آکلایان

یوق لکن ،

دیکله من بر آرقاداش .

— امان سن ،

درس لکله وار اوغراش ؟

دیلکدن

قورتولالم « نجیب » بز

کبرلی

آرقاداشی سومه یز .

بس بللی :

کچن سنه چیقدی یا

برخی ،

بوسنه ده مطلقا ،

بو جیجی

## امتحان

امتحانلر یاقلاشدی ،

ایش فنا ؛

هر کس بوکا چوق شاشدی :

دائما

چابوق کلیر امتحان

نه دندر ؟

نفس آماز برانسان ،

او کلیر ....

— باش بلاسی امتحان ،

ینه سن ،

دیور کوچوک نریمان ،

نره دن

چیقده کلدک ؟ آمانک

کونده اوچ ،

امتحان وار ؛ انسانک

بویله کوچ

امتحانلر ویررکن

ازیلیر



## کوچوک خالایق تور کوسی

اننه جکم هانکی برده یاتیور ؟  
 اوکسوز کوکلم قویننه جان آتیور ...  
 بیلمم انسان ناصیل انسان صاتیور ؟  
 آل اوینه دوشدم کوچوک یاشمده .

سویله یك ای کوزهل یوزلو چیچکلر ،  
 بی نینم هانکی طوپراقده بکلر ؟  
 بکا بر یول کوسترک ای ملکلر ؟  
 سز اننه می کوردیکز کوز یاشمده .

صاچلرم اننه مک یورغانی اولسون ،  
 طوپراغنه قانلی یاشلرم دولسون ،  
 عمرمک چیچکی یاننده صولسون ،  
 کوزهل اولدی دنیسین مزار طاشمده !



— یلپازہ —

صاللانیور کوزہل کوزہل ،  
 صاللانیور یلپازہ جک ؛  
 اونی طوتان کوچو جک آل  
 یلپازہ دن بیلہ نازک .

صالاندقہ سرین سرین  
 بر روزکار جق یوزہ اورور ؛  
 کاغدلری دهرین دهرین ،  
 قیوریق قیوریق اوبنار دورور .  
 یلپازہ بر بویوک یاپراق ،  
 یلپازہ بر کوچوک بایراق  
 کیبی اوچار هوا آلیر ؛  
 اونی شویله اکلارم بن :  
 یلپازہ جک کو کدن دوشن  
 یاورو ملک قانادیدر .



« بن بر تور کو سویله یهیم ،  
قوشلر دویسون بنی . » دیدی ؛

باشلادی بر تور کوجکه ،  
نه اینجه جک نه تیتره ک سسس !  
سویله دیکی تور کو نه در ؟  
اونی بوکون سویله ر هر کس ،

چونکه وطن شرقیسیدر .  
کوچوک ، بویوک بوتون ملت  
بو شرقی یی سویله ر بوکون ،  
بو شرقیدن هر سعادت

دولار بوتون وجدانلره .  
حوپ حوپ ، حوپ حوپ ؛ صالینجاقچق  
اوچوب کیده ر هپ کوکلره ؛  
چیقار دورور یانیق یانیق ،

قیز جغزک کوزهل سسی .  
اونی شیمدی دیکله ر وطن ،  
آفرین دیر ! بوتون باغچه  
تیتره ر یانیق صدا سنندن !



اطرافدہ کی آغا جلاک  
 داجتلی ہیپ اکیلیر ،  
 سلام ویریر صالینجاغہ ؛  
 چیچکلردن ایکیدہ بر

قو قولردن سوزلر کلیر ،  
 « صاللان ملک یاورو . » دیرلر ؛  
 کونش اورور یشیل یشیل  
 یاپراقلرہ ، صوکر اچکر

صالینجاغہ ؛ قیزجغزک  
 یوزی زمرد رنکی طوتار ؛  
 بر کوچوجک بولوت بعضاً  
 صالینجاغہ کولیکہ آتار .

بر قوش قونار بر فیلیزہ ،  
 جیویل جیویل اوتر دورور .  
 آنہ باقار پنجرہ دن ،  
 صالینجاغہ کوکلی اورور .

حوپ حوپ ، حوپ حوپ ... صالینجاغک  
 ایچندہ کی ملک شیمدی

دادیلرک سوزلرینی  
دیکله ملی هپ چوجوقلر .

صالینجاقدہ دوران یاورو  
صیقی صیقی ایپلرندن  
طوتمش ، دیردی : « دادیجغم ،  
سن هیچ قورقما : دوشمم که بن »

صالینجاغی کوردن انسان  
طاتلی طاتلی صاللانیرکن ،  
بیاض بولوت کچر صانیر  
قوشه قوشه کؤک یوزندن .

شیمدی ده بر روزکار چیقدی ،  
صاچلرینی چوزدی تل یل ؛  
قیزجغزک پاریل پاریل  
اوچان صاحی نه ده کوزهل !

او صاچ دکیل ، بر قوجاق نور  
انسه کوزلرندن دوشن  
نورلر قادار سویملیدر .  
صالینجاقچق اوچیورکن

## صالینجاق

صالانیور صالینجاق ،  
 صالانیور ؛ ایچنده بر  
 ییلدیز یوزلو ملک چوجوق ،  
 صاغه صوله کیده ر ، کلیر .

ایکی یاندن ایکی چوجوق  
 اوچوروور صالینجاغی ؛  
 بولوتلره قادار صانکه  
 یتیشه جک اویایاغی !

لکن دادی بر طرفده  
 دورووردی ؛ دیدی که : « یوق ،  
 بویله خیزلی صالامایک ،  
 صالانیور آغاج پک چوق ! »

شیمدی اورتا بر سرعتنه  
 صالامغه باشلادیلر ؛

تل تل صاحدن اورو لمش .  
 اوکا لایق کورولمش  
 کوز بیکی یملکلر ؛  
 صولقلری نه بکنزه  
 هلال قاشلی ییلدیزه ؛  
 قفس کوچوک بر قیزه  
 بکنزه دیلسه یاقیشیر ،  
 اویله کوزهل یو وادر .  
 بو یو وادن کوزهل بر  
 شی وارمیدر ؟ کیم بیلیر ؟  
 ایشته بیادی هپکنز :  
 قوش دکیلمی دیدیکز ،  
 کوزلریکنز کوله رک .  
 اوت قوشدر ، او ملک  
 یاورودر که قفسدن  
 صیچیرار ، قونار ، اوترکن  
 نازک بر روح آچیلیر ،  
 کوکلکنزه صاحیلیر .



یا هیچ کلز یا خود که  
کله بیله آدمی

آدام ایتمز؛ دنیاده  
هر کس کندی کوجنه  
کووه نملی، هرایشی  
کوروب کندی کندینه !..



### قوش قفسی

امان ناصیل کوزه لدر  
قوش قفسی ! کیم بیلیر  
نه صنعت نه مهارت  
ایستر بوکا ؟ بن حیرت  
ایده رم بر قفسه !  
اویو وابی کیم کورسه ،  
سوه ر مطلق ؛ نه نارین  
نه اینجه در ! قفسه  
قبه جکی ، قاپیسی ،  
تونکلری ؛ یاپیسی



کندیلری ، یاردیمسز

صارماشینی برابر

سوکه جکار..

— اویله یسه

— آننه ، بابا — ایش فناء

— دیدیلر — بزاير کندن

قاجالی یز مطلقا .

ایرته سی کون طاک یری

آغاریرکن جیوجیولر

اوموزلره آلیندی ،

قوشلر اوچوب کیتدیلر ؛

باشقا یرده بر کوزهل ،

یکی یووا یاپدیلر .

حکایه مدن لکن سز

نه دویدیکز چوجوقلر؟

ایشته شونی آکلایک :

باشقاسنک یاردیمی

آه آنه ، آه باباجیم ،  
 یوواجیمز یوق یارین !  
 آنه ، بابا کولدیله ،  
 دیدیلرکه : - قورقمايک ؛

نه صارماشیق سوکولور ،  
 نه یووامز ییقیلیر ،  
 باشقاسنک قولندن  
 ایش بکله مک خطادر .

اوچ درت اقشام صوردیله :  
 قومشولر کلدیلمی ؟  
 — کلن کیده ن اولمادی .  
 — هرکون دیکله ییک ، امی

نه دییه جک چیفته جیلر .  
 جیوجیو جکلر بر اقشام  
 شونی خبر ویردیله :  
 — آنه ، بابا ، یارین تام .

کونش یوزی افقدن  
 کورونورکن چیفته جیلر

دیکله ییگیز : - بو کون سز  
 آریلنجه یو وادن ،  
 چیفتیجی ایله قاریسی  
 دیدیلر که : - شو یابان

صارماشیقلر دیواری  
 چو کرته جک ، ییقا جق ،  
 سو که لی یز بونلری .  
 — پکی یا کیم چیقا جق

تپه سنه دیوارک؟  
 — یا کوکلری یرندن  
 هانکیمزک قوللری  
 سو که جکدر؟

— یارین بن

دیدنی چیفتیجی، کیده رم  
 قومشولردن ایکی اوچ  
 دلیقانلی بولورم،  
 قوت ایستر ، ایش پک کوچ .

طاشمازسه ملری ؟  
سزی اودد کیم بسلهر ؟

اقشام اولوب یو وایه  
بوتون بوتون دونونجه  
آننه ، بابا صورارمش :  
— نه وار نه یوق ؟ بو کیجه

اوبومادن بزه سز  
برشی ء وارسه سویله ییک.  
— خایر آننه ، برشی یوق.  
— برشی ء یوقسه نه ایچین

دهمین بر آز اور کدیگز ؟  
کولکه کزدن قورقدق بز .  
— یا او یله می یا ورولر ؟  
هایدی آرتیق کیریگز

قانادلرک آلتنه ،  
اویویالم ، باشقه ایش  
یوقدر آرتیق... بر اقشام  
جیو جیو جکلر نه دیمش ،

او کرمشدی که برسوزله پک کوزه ،  
چلشمقده بر قوجا دینه وار !  
« لافونتن » دن



باشقاسنك یاردیمی [۱]

ایکی کوزه ل قیرلانغیچ  
بر چیفتلك دیوارینه  
یووا قوروب قالمشیر ،  
اولمشیر بابا آنا .

جیوجیولری چیقنجه  
آننه ، بابا پک ایرکن  
هر صباح کیده لرلر مش  
یم بولمه؛ جیوجیوکن

قوشلر ناصیل یاشاسین  
بابالره آنهلر

---

[۱] مالی انکلیزجه دن مقتبسدر .

قالان تارلايى بابالريمزدن  
 هيچ برزمان سز صاتماييكز صاقين ،  
 چونكه ايچنده بردفينه پنهان .  
 يرني بيلمم ، فقط برآز همت  
 اوني بولدورر ، آغستوسده همان  
 تارلايى سوروك ، كوزلجه بللهيك ،  
 هرنقطه سندن تارلامزك البت ،  
 برقاج دفعه لر اللريكز كچسين . «  
 بابا اولونجه چوجوقلرى باشلار ،  
 تارلايى سوروب اقشاملره قادار  
 هر طرفنى بلله يوب آچارلر ،  
 شويلاه كه سنه نهايتنده بر  
 چوق محصول اولور ، تارلاجق كتيرير  
 هر سنه كندن داها زياده كار .  
 دفينه وارمى ؟ اويله شى نه آرار :  
 تارلا التونك كولكه سندن خالى ،  
 يالكز پدرك حكمت مقالى  
 چوجوقلرينه ، اولومندن اول ،

ساقاریاده تپەلەك یونانی ،  
 حلال اولسون تورك یوردینه تورك قانی !



ساقاریاده ییلدیزلرک کوزلری ،  
 آرادجە شهید دوشن ازلری ،  
 یوکسلەجک کوکلره تورك عسکری ،  
 ساقاریاده تپەلەك یونانی ،  
 حلال اولسون عرشە کولن تورك قانی !



حلال اولسون ، حلال اولسون ملتە ،  
 تورك ، قانی وقف ایتمشدر امتە !  
 صیجاق صیجاق آقوب کیتدی جنتە .  
 ساقاریاده تپەلەك یونانی ،  
 حلال اولسون حق یولندە تورك قانی !



چفتجی ایله چوجوقلری

چفتجینک بری اولومنه یاقین  
 چوجوقلرینه دیمشدی که : « باقک ،

يکرمی بر کون بوغدی قجبه دشمنانی ،  
 ساقاریاده تپه لک یونانی ،  
 حلال اولسون حق یولنده تورک قانی !



غازی پاشا پیغمبرک آداسی  
 الله ایچون امر ایدنجه صاواسی ،  
 قوشدی ، کلدی جنکه هر دین یولداسی ،  
 ساقاریاده تپه لک یونانی ،  
 حلال اولسون دین اوغرونده تورک قانی !



کوز دیکمشدی تورک ایلنه جاناوار ،  
 اونده سلاح وارسه بزده ایمان وار ؛  
 تورک سونکوسی حق نوريله پاریلدار ،  
 ساقاریاده تپه لک یونانی ،  
 حلال اولسون شانلی آقان تورک قانی !



اویله دوکدک دشمن قانی که صویه ،  
 قیزیل ایرماق اولدی کیتدی ساقاریا !  
 کنددی کلدی ، کنددی دوشدی بوصویه ،



نور ایندیریر ؛ دادیمک  
عرش اورور کوزلرینه .  
آه بیچاره قادین ! ..

\*\*\*

دادیکزی سوه رسکزی دکیلمی ؟  
حقکز وار ، چوق سویلیر دادیلر :  
دادی اوده کولکه سیدر آنه نك ،  
سزك چوجوق روحکزی او آکلار .

—

بر طاش بیلله دیکمدیلر باشنه ،  
دادیجغم ، اولدی کیتدی مزارك !  
آج روحکی روحک کوز یاشنه ،  
جنتکده اوغلك ارلسون بهارك ! ....



ساقاریا

تورك ایلینك قوجا یاووز آرسلانی ،  
بزم اورد ، اوولو دینك حق جانی ،

دادیکه ؛ بو آقشامکی  
 حالی بر آز آغیردر!  
 خسته لق چوق شدتلی ...  
 بلکه بر آز آچیلیر ،  
 امیدی کسمه ملی .  
 بنی کورنجه دادیم  
 بر «دور» دیدی ایلله ؛  
 آنمادن بر قاچ آدیم ،  
 آکلادم نه وار هله !  
 دوغرولدی صوگ غیرتله ،  
 شویله بر آز دایاندی ،  
 مرحمتدن بر شعله  
 کوزنده یاندی ، یاندی ! ..  
 بکا جیلان کوزیله  
 اوپله کوزهل باقدی که  
 او نظر بو کون بیله  
 قلبمک ایچنده کی  
 مزارلردن برینه

نه اوصاندم او پارلاق  
 زهره کوزلو دادیمدن .  
 بیاض گلدن آللری  
 یوره کجیمه هر زمان ،  
 اُک کوزهل امللری  
 یاسمین غنجه لری  
 کیبی نازان دو کردی ؛  
 او قلبک هر اثری  
 روحه روح اُ کردی !  
 کاه اولوردم پک خیرچین ،  
 صاحلرینه اوزمان  
 آصیلرده دادیمک ،  
 اک ظالم ، اک بی امان  
 شدتمله یولاردم !  
 « یاپما یاوروم ! » آنجاق دیر ،  
 بر اوف دیمزدی دادیم :  
 بونی یاپماز ملکدر ! ..  
 اون یاشنه کلنجه ،  
 بر کون آنهم دیدی که  
 « کل کیده لم بو کیجه

صسی کلیر جتندن :  
 ا کلیردم اوقادار .  
 دادیم قوشار ، قوشاردی  
 ساعتلرجه ؛ باقائلر  
 شو صبرینه شاساردی !  
 آنهم کلیر الک صو کرا  
 دور دوروردی دادیمی .  
 — خانمجم ، اولدیمی یا ؟  
 — حالا یورولمادکی ؟  
 اوله جکسک ! — آنهجم ،  
 دادیم اولمز ! سز دوروک ...  
 — کوزمل یاوروجوم بئم !  
 — پکی اما ، اوطوروک .  
 هرکون یکی بر اوبون ،  
 هر کیجه بر خوش ماصال ؛  
 آکلایکیز ودوبوک ؟  
 ایشته دادیم « بی مثال » !  
 بن دادیمک عاشقدم  
 او آی کیبی یوموشاق  
 چهره سنه ؛ نه بیقدم ،

بنم کوزهل دادیجیم  
 اویانیرده هر سحر  
 وقتی کلیر ؛ بن یاریم  
 اویانیرکن نیندیر  
 سویله ایدی باشنده  
 قاریولامک ؛ بن تکرار  
 اویورددم ؛ بش باشنده  
 برچوجوقکن نه یزار  
 اولورددم بن اوزمان  
 اودامه کلسه بری !  
 د چکیلیکیز اورادن !  
 کیمدر کیرمن ایچری ؟  
 دیبه بار بار باغیریر ،  
 صاریلیردم دادیمه ؛  
 - اویو یاوروم ...

- یوق ، خاییر !

- یکی جیجیم ، اویوما .  
 اوموزنده دادیمک  
 صوفالرده قوشارکن ،  
 صانیردم هر آدمک

دادی اوده کولکه سیدر آنه نك ،  
سزك چوجوق رو حكزی او آكلار .

\*  
\* \*

باقیک بنم برچر کس  
دادیم واردی : « بی مثال » .  
اونی سوه ردی هر کس ،  
مفتون ایدهر حسن حال .

بی مثالک هر حالی  
ملککلکدی ؛ شیمدی بن  
آکلایورم « کال » ی  
بیله حیران ایله بن  
چر کس قادین نه دار  
فضیلتی برانسان .

بابام دیردی : « قادینلر  
هپ بویله اولسه وطن  
جنت اولور ! » بر بویوک  
وطنپرور بویله بر  
سوز سویله رسه اک کوچوک  
قادین ایچون آلویپر !

اۈك آياغكده دورور ،  
 هر كس آلتكده اوطورور ؟  
 سوقاقلره چيقارسهك سن ،  
 يرلر پاريلدار يوزكدن ؟  
 صانديق صانديق صاتيليرسك ،  
 بقالرده آز قاليرسك ؟  
 بياض خانم ، ديكدم سنى ،  
 سنده همن كوردك بنى ؟  
 ياغلى خانم ، پك تميزسك ،  
 بعضاً بر بعضاً ايگيزسك ؟  
 اوچ دورت اولديغكده واردر ،  
 انوابك بيم بياض قاردر ؟  
 سنى بيلمك قولاي اما ،  
 ايكي « م » ك برمعا !



— داديجنم —

داديكزى سوه رسكز دكيلمى ؟  
 حقكزو ار ، چوق سويلير داديلر :

جانسز کلیر ، جانی اولور ؛  
 آتی ، تویی ، قانی اولور .  
 اُك يوكسك داغلره چيقار ،  
 يوزوني كوشله يقار .  
 بيلديكز می بونی نه در ؟  
 اونی چوق ییهن سمیرر .  
 لمبونك بیاضی دیرسهم ،  
 میداته چیقار بيلمجهم .

بيلمجه

« ۶ »

بیاض خانم ، یاغنی خانم ،  
 اورتاسندن باغلی خانم ؛  
 کوندوزلری اوطورورسك ،  
 کیجهلری شن دورورسك ؛  
 دوم دوز ، اینجه برفدانسك ،  
 کندی کوزکله عیانسك ؛  
 باشکده بیلدیزك واردر ،  
 چوق چالیشقان قیزك واردر ؛



باشقا لازمی آ کلاتمی ؛  
 بوتی بيلمین آواناق .  
 قوجه مان بر قوش قانادی ،  
 نه در بیلک بونک آدی .

بيلمجه

« • »

دیشی بیاض ، ایچی صاری ،  
 کوموش کیی پارلاق زاری ؛  
 دنیا به تور کویله کلیر ،  
 کلدیکی آنده ینایر ؛  
 بوتون طاتلیلرده واردر ؛  
 ایشی کیسه به ضرردر ؛  
 آشجیلر هیچ اونسز اولماز ؛  
 مطبخدن ایرلماز قیش ، یاز ؛  
 قوت ویره ن برجانسزدر ،  
 آلدن دوشونجه قیریلیر ؛  
 اونو دو قورلره سورسه ک ،  
 نامیل بکنیرلر امان !

اسمی عربجه در دییه ،  
بیلیم دییه بول ..... [۱]

بیلیمجه

« ۴ »

تل تل یلپازم ، خوش کلدك !  
کندیکی بیلیرسك کئدك :  
یو کسلسه ئدده مندرلره ،  
همن دوشرسك یرلره !  
قاپی یاننده دورورسك ،  
اوصلو اوصلو اوطورورسك ؛  
فقط آله آلینیرسه ئك ،  
قوشار قوشارسك آفاجان ؛  
پیس بوغازلی بر تاتارسك ،  
سو پرونتولری یوتارسك ؛  
تل تل قادایفسك قورو ،  
خدمتچینك هر کون زوری .

---

[۱] نقطه لرك یرسه بیلیمجه نك نه اولدینی یازیلاجقدر .

بو کونی سز بیامزسه کز ،  
رمضان قالیر ؛ بیلیکنز .

بیامجه

« ۳ »

بر کوزل باستونم واردر ،  
گاه آچیلیر گاه قاپانیر ،  
اوطور ونجه قابی اولور ،  
کز مکده اثوابی اولور ؛  
یا غمور لر اورور یوزینه ،  
کونش لر دولار کوزینه ؛  
ایپکلیر کیر کزهر ،  
روز کار وجودینی آزه ر .  
هر خاتمک آئنده وار ،  
هر نورلو اثوابه او یار .  
کولک لری یر یر قوشار ،  
بولوت کیی خفیف یاشار .  
قوجه مان برکله بکدر ،  
نورلره آجان چیچکدر .

او کون کومبور کومبور کلیر ،  
 عرفه سندن بللیدر ؛  
 صباح غایت ایرکن اولور ،  
 سواقدن سسلر دیولور ؛  
 قیرمزی بر خوتوز قادار  
 کوزهل کونش ایرکن دوغار ؛  
 دیرکن کومبور کومبور طوپلر  
 آتیلیر ، چوجوقلر قالقار ؛  
 هرکس تمیز ، یکی ، کوزهل  
 اثواب کییر ؛ صوکره آل آل  
 چوجوقلر چیفار کز مکه  
 یمش ، شکر ، اویون دییه  
 ایپک کیسه یی آچارلر ،  
 برچوق چیل پاره صاچارلر .  
 ده مت دولو صالنجاقلر  
 تور کولرله کوکه حوپلار .  
 ایشته بویله برکون واردر ،  
 اقشامی پک کج قاراریر ؛  
 برکون کلیر ، اوچ کون سورده  
 دودت کون بیله اولور ... اکر

قوغوغی باشنده دورور ،  
 ایچنده انسان اوطورور ؛  
 باجا کیی یووارلا قدر ،  
 رنکی یشیل دکیل آقدر ؛  
 هر محله ده تیشیر ،  
 هر کسک دوستی کیدر ؛  
 یوزی سویملی ، قلبی شن ،  
 بزه قالمش پیغمبردن .  
 قاندىل کیجه لری دولار ،  
 قویننه پارلاق ییلدیزلر .  
 کونده بش دفعه دوپولور ،  
 سسی یوره که اویولور !  
 مسلمانلق قولای دکیل ،  
 بومبارك آغاجی بیل .

بيلمجه

« ۲ »

برکون واردرد ... بیلیرسکیز ،  
 اونى پك سوهر هپکیز ؛

قارنجاجق ، قارنجاجق ،  
 سنك قادار بزم يازيق  
 قوی دكیلدر عزمزم :  
 دایانمايز شو حاله بزم !  
 كوچوك بويوك ثباتكده ،  
 شودورمايان حیاتكده  
 بوتون جهاندن آفرین  
 كلیر ، ديمك جهان سنك !



### ييلمجه لر

« ۱ »

پك يوكسك بر آغاجم وار ،  
 داملك اوستندن باقار ،  
 دالی يوقدر ، قولى يوقدر ،  
 صاغی يوقدر ، صولی يوقدر .  
 كلاهنی كيير چيقار ،  
 يوزینی هواده ييقار .

ایسته نیلسه جان ده ویرر کوله رک ،  
 بویوک آنه ایکی کره آنه در !



### قارینجا

قارینجاق ، بل اینجه جک ،  
 طپیش طپیش ، مینیک مینیک  
 یورور کیده ؛ ناصیل بویوک  
 برآرپا آرقاسنده یوک !  
 ناصیل طاشیر اوآرپایی ؟  
 نیچون اولور اونک پایی  
 جهانده بویله برآغیر ،  
 بالالی یوک ؟ خاییر ، خاییر :  
 او آرباسیله مفتخر ،  
 کلیر کلیر ، کلیر کلیر !  
 یووارلانیر ؛ دوشر ... ینه  
 طوبارلانیر ؛ او کندینه  
 کووه نمسه طاشیرمی یا  
 برآرپا برآغیر بلا ؟

بويوك آنه ؛ شيمدى برماصال باشلار ،  
 قورو آلر قونار ايكي ياتاڭك  
 هلال كيبي كنارينه ؛ قانديلك  
 تيتريك ، اينجه ضيالرى ايجنده  
 بويوك آنه كوموش صاحلى بركلين ،  
 ياوروجقلر الماس يوزلو برخنده .  
 برماصالحق ، برداها ... شيمدى كوچوك  
 ميشل ميشل اويويوردى ؛ آرادن  
 چوق كچمه دن اويودى صوكرا بويوك .  
 ايسته بويله بويوك آنه هر زمان  
 چوجوqlرى اويوتما دن چكلمز ،  
 اويودق دن صوكرا بيله چوق زمان  
 بكار دورور ، يورغونلغى هيچ بيلمز ؛  
 صباح باشلار ، كيجه دورور ؛ نه يامان  
 اولور بويوك آنه لرك شفقتى !  
 نه اوصانير نه يورولور نه بيقار .  
 بويوك آنه اللهك مرحمتى ،  
 يوزندن اك بويوك معنالر چيقار !  
 بويوك آنه بياض صاحلى برمك ،  
 بويوك آنه ، آنه دن چوق سويلير ؛



— بویوک آننه ، بویکجه قاچ ماسال وار ؟

— ایکی ماسال ، کوزدل دیکله یکه می ؟

قاریولار آچیلار ق ترمیز

یاتاقلره یاتیریلدی یاورولر ؟

— بویوک آننه ، سن کیده رسه ک ایکیمز

اویوماز ....

— کیده رمی یم ؟ کیم باقار

صو کرا سزک یوزیکزه اویورکن ؟

هایدی یاتیک ، بسم الله ، آفرین .

— بویوک آننه دیمدکی پک ایرکن

داها شیمدی ؟

— اوت ، ایرکندی دمین ،

لکن آرتیق پک کچ اولدی ، یاتیکز .

یاوروجقلر اوزاندیلر ایجه .

— بویوک آننه ، کیتیمکز بزیا لکیز

پک قورقارز !

— ایشته سزه بویکجه

اوج ماسال وار ، صوصک آرتیق یاورولر .

آراسنه کیردی ایکی یاناغک

باقیک شیمدی شو کوزه لم بیکه :  
 فیستوسی ده اثوابی ده تاس تمام ؛  
 داها برآز باقیم سوسلمکه ،  
 سوسلو ، سوسلو کوستره لیم بو آقشام .  
 صو کرا ؟

— صو کرا یاتیررز یرینه .

کز دیریلدی ، کوستریلدی بر ساعت .  
 لکن اویقو دولونجه کوزلرینه ،  
 صالنجاغه یاتیرلدی نهایت .  
 بویوک آنه تیرمه ، انجه سسیله  
 باشلامشدی سویله مکه بریننی ؛  
 یاوروجقلر همان آلدیلر اله  
 صالنجاغک قایتاندن ایپلرینی ،  
 باشلادیلر صاللامغه ؛ بیکک  
 مینی مینی کوزجکلری سوزولدی ....  
 سن نه قادار یارامازدک یا دمین ،  
 شیمدی صوصدک .

— نه یاپسین ؟ چوق اوزولدی

اثوابی بن دیکر کن ... چوجو ققلر ،  
 آرتیق بزده یاتمالی یز دکیلمی ؟

بیاض صاچلی باشی اکیلمش بر آرز ،  
کوزلکنک آرقاسندن باقییور ؛

— هیچ دورمایور بوبیک پک یاراماز ،  
کوزلرندن شیطانلقلر آقییور !  
— بویوک آنه ، برتوقات ات یوزینه ،  
اوصلو دورسون !

— هیچ اولورمی آقیزم ؟  
— البت اولور .

— یاوروم اویسه م سوزیکه ،  
بکجکک یوزی شیشر .

— آکلادم :

بزم کیبی سوه رسکنز بیکی !  
— سزک کیبی ؟ خاییر ، لکن سز کیمدن  
اوکره ندیکز توقاتله کوسترمکی  
اوصلولنی ؟

— اوکر نمدم ، دویدم بن :

پک قیزارسه بویوک آنه لر اکر  
چاتلاتیرمش برتوقاتحق قیزلره !  
— کلله دوکمز یاورولری آنه لر ،  
اونلر بویوک آنه دکیل ، ماسقارا !

قورد نه دیمش ؟

قورده بری صورمش : نیچین  
 بوقادار قالیندر اگسهك ؟  
 دیمش كه : كندی ایشمی  
 كندم کورورم ، آگلا سن !

دوه نه جواب ویرمش ؟

دوهیه دیمشلر : نیچین  
 بوینك اکریدر بوقادار ؟  
 بنم نرم دوزغرو ؟ دیمش ،  
 بوینمده کوکدهمه اویار .

بویوك آننه

بویوك آننه مندرینه اوطورمش ،  
 آلمش کوچوك طورونلری برابر ،  
 طورونلری اوکون يك اوصلو دورمش ،  
 بویوك آننه اونلره بېك دیکر .

— ۶ —

قوشو ، کورش ، قارغی ، اوق ،  
 جرید ، قیلـیـج ، آت ، صاپان ،  
 خنجر ، قالقان ، توفک ، طوب  
 هپ بزمدر هر زمان !

نقرات

مردجه ...

— ۷ —

بوکون فوتبول ، تینس ، بوقس  
 زده وارسه کوزدل ماچ ؛  
 بز اوکا جان آتارز ،  
 هیچ صورمایز دشمن قاج !

نقرات

مردجه صاواش یاپارز ،  
 یالکنز حقه طاپارز !



شعر دمی

بزی وطن آ نامز  
 عسکر دییه دوغورمش .  
 نقرات  
 مردجه ....

— ۴ —

تورک کنجلیکی کلنجه  
 میدانه کوک عکس ایدر :  
 کوزلرندن بلیریر  
 ییلدیز ییلدیز نشئه لر .  
 نقرات  
 مردجه ....

— ۵ —

آتالردن قالمشدر  
 جانلریمز پهلوان ؛  
 ایمان قادار صاغلامز ،  
 وجدان قادار قهرمان !  
 نقرات  
 مردجه ....

ادمانجیلر تور کوسی

— ۱ —

بز تورك اوغلی توركلرز ،

قانمز بك تمیزدر ؛

همزك قلبنده

حق ، شجاعت ایکیزددر .

نقرات

مردجه صاواش یاپارز ،

یالکز حقه طاپارز !

— ۲ —

جنسکده نهیسه تورك اوغلی ،

ادماندهده اویلهدر ؛

بویوکلکی عرقنك

چهره سندن بلیریر .

نقرات

مردجه ....

— ۳ —

شهید قانی ، تورك جانی

کوکده منزی یوغورمش ؛

سفاهت الك دهرين يارا ،  
اوکا دوشن کندی آچار

وجودينك مزاريني !  
بوكون مسعود اولمق ايجون  
دوشون مطلق سن ياريني ؛  
يوقسه عمرک کچر بوتون

قارا کونده آق آچه سز !  
يا ديلنجي يا خود اوشاق  
فلان قالمق وار بيلیکز !  
يتشير بر خاستا اولمق ،

ايشسز قالمق ، ضعيف دوشمک ؛  
همان آچه قاچار سندن ،  
بولا مازسک يمک ، اکمک ؛  
تصرفه پاراک وارکن

مطلق ايله سن رعايت ؛  
جيیکده آق آچه ک دورسون .  
امر ايدييور ايشته ملت ،  
اونکله سن قورتولورسک !





کونده لکک قاچ غروشدرد ؟  
 فرض ایدلیم آلتش پارا ؛  
 دیمه صاقین : ناصیل اولور  
 بوندن پارا آرتدیرمق یا ؟

بر غروشی صرف ایت ، لیکن  
 یکریمی پاراک قالسین هرکون ؛  
 عقلک وارسه اکر سنک ،  
 آرتدیردیغک سنک ایچون ،

سنک مالک که قالاجق ؛  
 بونی ائی دوشون ، اکلا :  
 پاراک یوقسه کیم آلاجق  
 نعمتیکی هی بودالا ؟

سن چوجوقکن بوتون یرسهک  
 کونده لکی آلیشیرسک  
 سفاهته ؛ صوکرادن سن  
 هر دقیقه چالیشیرسک ،

قازانیرسک برچوق پارا ،  
 لیکن قالماز سنده ، قاجار ؛

مثلا کل شونی دوشون :  
آق آچیه ملت نه دیر ؟

قارا کونه لازم ایمش ؛  
ایشته سزه بر حقیقت .  
بونی دین جانن دیمش ،  
هم نه علوی بر طلاق !

سعادتی بر زمانده  
پارا ، سزه برا کلنجه ؛  
لکن بیلک بوجهانده ،  
هر کوندوزدن صو کرا کیجه

کلیر سزی بولور مطلق !  
باشکزه بر فلاکت  
بر خاستالق کلسه آنجاق  
پارادندر انسانیت ؛

سقط ، ایشسر قالدیکز می ؟  
آچارسکر کیسه کزی ؛  
تصرفدن بیل یاردیمی ،  
قورتاراجق اودر سزی .

أوت ، اوکوز کورونشده اویله ذکی دکیلدر ؛  
 فقط عقلی چیفت سورمکه ، جان وپر مکه ألویرر !  
 مایمونده کی ذکاوتک نه خیری وار انسانه ؟  
 اولسه اولسه انسانلری کولدورور قیرق ییلده بر .

اوکوزلرک قلبکزدن مفتون اولک شاننه ،  
 لایق اولان حرمتلرله کلوب ، کیدک یاننه ؛  
 دوشونورکن دقت ایدک براو کوزک کوزینه :  
 آکلار سکمز نه فضیلت یرلشمشدر جاننه !



آق آچه قارا کون ایچوندر

« ضرب مثل »

بوملتک لسانندن  
 چیقان ضرب مثللری  
 رهبر ایدن حکیم انسان ،  
 قالیر آفتلردن بری .

ضرب مثل وارکه بوتون  
 انسانیت ایچون رهبر ؛

بزم کیهی بلدکه داهای شانی ، متین بر مخلوق ،  
دامارنده آتوب دوران نجاتلی برقاندرد .

او کوز بزه بخش ایدیور پک مکمل بر قوت ،  
قلبنده وار اک شرفلی اک توکنمز فضیلت ؛  
بز طوپراغی سایه سنده ا کوب بیجر ، یشارز ؛  
چیفنجیلکی او کوز لرله تأمین ایدرد بوملت .

صاپانلری اونلر سوردر ، خارمانلری او کوز لر  
صاوورورلر ؛ آرابانی ینه او کوز سور وکله ز .  
او کوز لری صاغ اولدقجه راحت یشار هر چیفتیجی ،  
اونک ایچون بوجهانده نه الموار نه کدر .

او کوز بزه قوت دکیل ، جانده ویرد هر زمان :  
کسر یرز اتلرینی ؛ بیفتک ، فیله ، بوط فلان  
هپ او کوزک اتندندر ؛ نه غیقوسز جاناوار  
نه دویماز دیو نه یرتیجی برقاباندرد شو انسان !

او کوز لری - صانکه یتمز اورمق ، کسمک ! - برده بز  
اونک اوولو نامی ایله خلق تحقیر ایدردز :  
او کوز دیرز برقیزار سهق اک محترم انسانه ،  
او کوز یعنی هیچ عقلی یوق ، برطاش قادار بینسز !

خاییر : برکون او کو کر جین

. . . . .

اویقو اولمشده فکرینک

اینویرمش کوزلرینه !

— شونی کوتوروك یرینه ،

ینه اویودی آفاجان .

شیمدی فکری یاناغندن

قوللری آنه سنک

بویننه صارمش ، کو کر جین

دیوردی ، چوق یارامازمش

آنه سز هیچ اویومازمش !



او کوز

حیوانلرک آراسنده نه مبارک بر جاندر ،

او کوز ، او کوز دکیل صانکه بزم کیی انساندر ؛

برده هنوز بش یاشنده  
کوچوک « فیکری » طوپلانمشلار :

— فیکری ، هله سن اویوقلا  
دیورانه ، اویونجاقلر  
همان قالقار .

— خایرانه ،

اویوقلامام : اوکلین بن  
چوق اویودم .

— کوزلریکه

باقالیم بر ...

— کوزلرندن

اویوقو آقیور غالباً ،  
یاتیرمالی دیدی بابا .

— خاییر باباجغم ، خاییر !  
— اکلایمسی پک قولایدر :

بز صوصالیم ، فیکری اکر  
اویومازسه ماصال سویلهر .

یوره کننده وطن دزدی ،  
ملتک اوغرینه یاندی :

روسیه محاربه سنده  
پلونه سقوط ایدنجه ،  
سعید افندی کلدی ده  
بزه مسافر بر کیجه

بر یمکه آل سورمدی !  
صباحه قادار اغلایان  
قانی کوزلری کورمدی  
دولما ، پیلاو ، طاتلی فلان ...

اونک او بورلغی بیتدی ،  
کدرندن اولدی ، کیتدی !



« فکری » نک ماصالی

کیجه ماصانک باشنده ،  
آنه ، بابا ، اغابک ، آبله ،

ایکی کیشی اکل ایتدیلر !  
 ینه معدملری صاعلام ،  
 ینه سعید افندی یر  
 بر طاس پیلاوی او اقسام !

بزم اوه کلدیلمی ،  
 هر کسی بر تلاش آلیز :  
 اونو تمام بویوک آنه می  
 « امان او خلقی آج قالیر ،

بول بول یمک یاپدیریکز ! ،  
 دییه امرلر ویررکن !  
 افندی ایچون یالکیز ،  
 یاییلردی علاوه

بش آلتی قوشخانه یمک !  
 هاووج سعید افندی بی  
 نه لازم فضله سویلک ؟  
 ایشته بیلدیکز پک ای .

لکن بو او بوور افندی ،  
 نه قادار مرد بر انساندی ؟



یوروردی ، صانکه دولمشدی  
قوجه بر دالغا قارننه !

ایکی بیک غروشن معاشه  
نائل اولمشدی او اما ،  
بر فیل کبی یاشایشه ،  
اوچ بیک بیله یتمز اصلا !

بالایه باق که حرمی  
او بوورلقده کندیسندن  
کری قالمازدی ؛ کچدیمی  
بر صاتیجی سوقاقدن « بن

بویمیشدن آلمالییم ! »  
دیهه بار بار باغیرردی ؛  
افندی دبردی : « آلالیم ! »  
صاتیجی بی چاغیرردی .

ایکی اوققا اوسقو مزودن  
دولما یابدیلرده بوتون  
- بن نقل ایدیم ، سن اینان -  
اوکله یکننده بر کون ،

هاووج سعید افندی

طایردم بن چوجوق ایکن  
بر « هاووج سعید » افندی ،  
قیپ قیرمزی ایدی کندی ،  
« هاووج » اونک بورنکندن

دولای قالمشدی آدی ؛  
غایت اوبوور بر آدامدی .

کونده ایکی اوققا ا کمک ،  
بر طاس پیلاو صباح آقشام ،  
ایکی اوچ اوققا ات یمک  
معتادیدی اونک ؛ تمام

سبزہ سیله ، بورہ کیله  
طانیسیله بر دوزینا ،  
بعضاً اون بش صحن بیله  
سیندیرر ایدی قارننه !

قارنی دم بر کوپ اولمشدی :  
یووارلانه یووارلانه

# ایکڻه

ایکڻه ٻی بر دوشوانسه کز،  
سزہ مطلق خیرت کلیر؛  
او نه اینجه نه کوزہل بر  
آلجکدر؛ آلینجه سز

ایکڻه غایت نازک،  
تربیه لی اولور ایکڻه؛  
چوق یورولور دورمازینہ،  
یورور، قوشار مینیک مینیک.

ایکڻه جکی ناضیل بر آل  
یامش بویله؟ نه ده کوزہل  
بو کوچو جک ایش ملکی!

کوزجکزی کورور سزی،  
پک چوق سویک ایکڻه کزی؛  
اودر دیکن هر یکی.



بر ایشینی دینک قالماز  
بخاراده هندده بیله.



ارضرومی ، وانی ، قارصی  
طوتان ، آلائی یامان اوردو  
اوز وطنی صاغلاملادی ،  
دین یوردینه تمل قوردی .



یوزی آقدر ، آلی آچیق  
شرق داغلی صانکه اوولو  
بر اوردودر کوکه یاقین ،  
جان اوینده الله دولو !



شرق داغلی اوغولدارکن  
صانکه دیبور : بیکلر یاشا  
بزی بزه باغلی طوتان  
کاظم قارا بکر پاشا !



## شرق اوردوسی

ارضرومك بوزدن دوگمش ،  
یوجا یوجا داغلرندن  
هر کون صباح آچیلیر کن  
کوک که کولن پارلاق وطن



نه کوزه لدر ، شهیدلرک  
روحي باقار آیناسنه ؛  
سورو سورو ملک اینر  
ارضرومك یایلاسنه .



ارضرومدن بویوک روحي  
شرقك خلقه شونی سویلهر :  
« وطنکی سکا ویردی  
بنی سکا ویردن عسکر ! »



بنم آلم پارلامازسه  
مسلمانلق کونشیله ،

کوله ، کوله آچیلیر .  
 هر صاقسینک چیچکی  
 کندیسنک یاوروسی ،  
 باغچه نك کوز بیکی .

برده صاقسی نك ایی  
 یوره کلیدر : فقرا  
 اوندن باغچه یاپارلر .  
 نجره یه بر صیرا

دیزرلرده صاقسی نی .  
 هیچ داریلماز او نوکا :  
 اك قارا کلق سوقاقلده ،  
 آز دولسه ده قویینه

کونش نوری ، اوینه  
 آچار کوزهل بر چیچک ؛  
 فقیرلرک روحنه  
 صفا ویرر کوله رک .



صاقتی

صاقتی ناصیل کوزہل بر  
چکمہ جہ در جلالی ،  
یوس یووارلاق چکمہ جہ ،  
یوزی ، کوزی ضیالی .

ر طوتولش آی کیبی  
آجہ طوپراق جمالی  
نہ خوش باقار ، صاقتینک  
وار بر کوچوک مالی .

بویندہ کی قوردہلہ  
قامر ، قامر بوکولش ؛  
اورتاسنہ بر سیاہ  
اینجی طوپراق دوکولش .

یووارلاق کناری  
بر ہالالہ نہ بکترہر ؛  
او ہالالک ایچندہ  
ییلدیز کیبی چیچکلر

كله بك ، آجيچيم ، دوريا !  
 باق ديكلمى حوپيا ...  
 ميني ميني كوكلې اصلا  
 بيلمز دورمق ، دوشمك ؛  
 ياوروم كله بك ، كله بك .



بوچيچك او چيچك ، ير ير  
 دولاشير ، چيچكي نه سوه ر !  
 او چيچكلردن دلبر ،  
 آه بنم اولسه شو بيك ! ...  
 ياوروم كله بك ، كله بك .



كله بك ... اوچدك ، كيتدك ؛  
 بنى بك مايوس ايتدك .  
 سن كله جكدك يا دمين ،  
 كولكه مدن بك قورقدك ، بك !  
 سوزولوب ، كيتدك كله بك .





كله بك كل ، كل يانمه ،  
 طوتاييم ، آلايم جانمه ؛  
 باقيكمز شو كوچوك خانمه ،  
 صالينير ، ديدينير ، دوشه جك...  
 ياوروم كله بك ، كله بك .



كله بك ، قانادك سيلديز ،  
 باقمش يوزيكة بر قيز :  
 بك نازكسك ... يالكينز  
 چوق يارامازسك آملك ،  
 ياوروم كله بك ، كله بك .



قوندك چيچكك اوزينه ،  
 باقدك ، دوردك يوزينه ؛  
 بر نور اينمش كوزيكة :  
 عمرك كچيور سوهرك ،  
 ياوروم كله بك ، كله بك .



لایق دیکلمی؟ « دیرکن سرویدن  
برقوزا قورشون کیی قوپارق

تیراق خو جانک بورتنه دوشمش ،  
تاجان اوینه ایشله مش آجی ،  
دیمش « یاربی چوق خطا ایتدم :  
قوزا یرینه سروی آغاجی

قاپاق ویرهیدی .... طوزبوز اولوردی  
قفامک طاسی ! آتلاتدق امان !  
اللهم ، سنک حکمتلریکی  
بیله مز انسان دینیان حیوان !



### کله بک

کله بک ، کله بک ، کله بک ،  
نه جیجی نه قادار کوچوچک ...  
اوچویور تیتیرهک ، تیتیرهک ،  
نه مینیک نه کوزهل نه چیچک ،  
یاوروم کله بک ، کله بک .



بر آجی دویدی ، پشیمان  
اولدی فطنت خاتم سلطان .

چو جو قمر دنیا ده صاقین ،  
کبری غوغوق اولماینک !



نصرالدین خوجانک عقلی باشنه کلیور !

نصرالدین خوجا بر کون بر سروی  
آلتنده یاتوب راحت ایده رکن  
باقش : آغاجک اوستنده برچوق  
کوچوک قوزالاق دورور ؛ اوته دن

ایجه بردالک اوجنده قوجا  
بربال قاباغی یاتیور .... دیمش  
» بو ناصیل ایشدر ؟ مادر فطرت  
مکر نه بوناق بر آنا ایمش !

کوچوک کوچوک ، بویوکه بویوک :  
داله قوزالاق ، آغاجه قاباق

بالمومندن قالب اولش  
صانکه فطنت خانم سلطان! ...

مکتبک برقایسندن  
او دقیقه آنه می ده

کلیویر مسینمی ؟ اوده  
برکون اول ینه جزا  
کورمشدی فطنت .

— بوقیزه

بویله جزا ویرملیدر :  
بلکه دوغرو یوله کلیر ؟

بزم کبرلی غوغوغنک  
خویلری هیچ برچوجوغنک

خوینه بکزه مز ، دیدی  
آنه . فطنت خانم شیمدی

آرقاداشلرینک یاننده  
پک کوچولدی ، وجداننده

شعر دمی

سن ده چالیش . — افندی بن  
تخته سیلمکی آنه مدن

او کر ندم ، بن خانم !  
— خانمکی سن آقیزم

تنبلسکمی صاندک ؟ هایدی  
ایش باشنه ، یوقسه شیعدی  
سکا جزا ویررم بن !

— بن ده چیقارم مکتبدن !  
دیمکه قالمادی : خوجا

الندن طوتوب صیقیجه ،  
فطنتی دیکدی کوشه یه !

باشلادیلر اکلنمکه  
اونسکه آرقاداشلری .

کوزندن کبر یاشلری  
قغیلجملر کیی فیرلار ،

ایتر چکه سنه قادار ؛  
قوللر دوشمنش ، چهره صولمش ،

چیقدی بر کون چوجو قله ،  
فطنت اولدی بر مانسقارا .

باقک ناصیل : خوجا خانم  
دیدى « کلیك ییقایه لیم

بو کون مکتبی همز ،  
تخته سینگ بمله مر . »

هب چوجو قله آتیلدی لر ،  
بر برینه قاتیلدی لر

خدمت ایتک سونجیله ؛  
بش یاشنده کیلر بیله

ایشه حاضر لاندی ؛ یالکیز  
فطنت قارشهادی . — بوقیز

نه توخاف خویلودر : ینه  
صومورتدی کندی کندینه !

فقط — دیدی خوجا خانم —  
بو بویله اولماز ، کل قیزم

مکتبته ، آغیر دورور ،  
کندی کندینه اوطورور ،

کیمسه یه سوز سویله مزدی .  
اونده بویوک اولمق دردی

هر حالندن آکلاشیلیر ،  
برقیز دکل ، برسلطاندر !

او کیمسه دن هیچ بر زمان  
بکله مزدی برشی ، یامان

کبری واردی ؛ او بر قیزلر  
» بزم فطنت خانم کبار

چو جوغیدر ! « دیه هر کون  
طاش آتاردی اوکا بوتون .

اوصانکه بونلری دویماز ،  
سانکه عار سزلره اویماز ،

حقیقهٔ سلطان ایمش  
کیی دورور !... لیکن برایش

امان آغلايه جق . . . اونه ؟ يا صديقدن  
 برسس كلدی شيمدی : ساعتك سسی ؛  
 همان قوشدی ، يا قالادی آفاجان  
 نه قادارده كوزه لمش ايشله سسی !

شو يا ورو ساعته طاتلی ویرمه لی ،  
 قاشیق دالديرلدی ، طاتلی آلدی ؛  
 قاپاغی آچارکن كوچوجك الی  
 باشنی كوستردی قاپیدن دادی ؛

فقط يتشمه دن ایش اولدی ، بیتدی :  
 ایپلک کبی ایندی چارقلرم رچل !  
 — امان ، بکفندینک [۱] ساعتی کیتدی ،  
 — خایر دادی : ساعت رچل بیور ، کل !



کبرلی غوغوق !

« فطنت » غایت کبرلی بر  
 قیز جغزدی ؛ هر کون کلیر



یا لکیز قالمش

یا لکیز قالمش ، بش یاشنده یومور جاق ؛  
یا لکیز قالمش ، شیمدی ناصیل اکلن سین ؟  
نه بر بیک وارد نه براویونجاق ؟  
آنه دیمش : چالیش ، ایشته بودرسک !

یا لکیز قالمش ، کوزلر دونیور فرقر  
آتش بوجکبری اوچار هواده !  
ناصیل قیرلانغیجلر قفسیده قالیر ؟  
ناصل ییلدیزلر او طورور یوواده ؟

کلدی ، کیتدی ، قوشدی ، آتلادی ، یاندی ...  
قالقدی ، پنجره یی طوتدی صاللادی ؟  
قاپی یه یاپیشدی ، ماصایه چاندی ،  
باغیروب دورردی : آنه ، بابا ، دادی !

دها نه کلن وار نه ده سس ویره ن ،  
الفبا کتابی تک یولداشیدر ؛  
لکن باغچه لرده طوپاچ چویره ن  
جانسز الفبا دن نه لذت الیر ؟

کو کدن ایندی نعمتک ،  
بویوکلکله قاندم !

بویله دییوب آلتی  
کوکله دوغرو آچمش ؛  
کوزلرینک یاشنی  
آق صاقلانه صاچمش .

صاقلاندقلری یردن  
بونی کورمش چوجوقلر .  
آبلا دیمش : قاردشم  
باق ، کوردکی اختیار

سوینجندن آغلايور !  
بو نه کوزهل برشیدر ؛  
انسان اولان دنیاده  
ایشته بویله اکلنهیر .



صو کراینه دو نمشله ،  
 اوزا قده صاقلانمشله .  
 نمازینی بیتیروب  
 داورانجه اختیار

پابو جلری کیمکه ،  
 برده نه کورسون : پارلاق ،  
 پارلاق یوزلو چیرکلر  
 پابو جده اوینایه رق

کولیورلر یوزینه !  
 — امان یاربی ، دیمش ،  
 مکر سنک رحمتک  
 نه قادار بویوک ایمش :

شیمدی نمازده سندن  
 یاوروجقلرم ایچون  
 مرحمت ایسته مشدم ،  
 قازانما مشدم بو کون .

بکاه دمدن پک چون  
 لطف ایتدک سن اللهم ؛

تمیز یوره کلی اولان  
بواویوندن چکینیر

ا کلنمک ایستیورسه ک

پابوچلرک ایچنه

بزر بشلک قوپالیم

صوکر! سنکله ینه

شوراده صاقلانالیم

باقالیم اختیارجق

نه قادار سوینه جک

یوقسه او یله فئالق

سکا ، بکا یاقیشماز . »

کوچوک قارذش تابلانک

بوسوزینه حق ویرمیش

ایکیسی ده تارلانک

اوچندن اورتاسنه

یاواش یاواش کله رک

هر بابوچک ایچیه

براقشلر برچیرک

اطرافنی کورمزمش .  
 کوچوک قاردش اوزمان  
 دیمش که « پابو جلی  
 صاقلایه لم بزء امان

نه خوش اولور صاقلارسهق :

اختیار آرار دورور ،

پابو جلی بولاماز ،

تارلاسند او طوزور

بلکه اقشامه قادار .

ایکیمزده اوزاقدن ،

اونکله اکلنیرز !

آبلا دیمش : « آفاجان ،

اکلنجه بویله اولماز

او ضعیف بز قوتلی

اکلنمک ایستیورسهق ،

اونی ممنون ایتلی .

برفالق یاهرق

اکلنمک خاسلکدر .

جغرافیا ، تاریخ درسی  
مزه سویلدر نره می

این اوکی ؟ ناصیل پردر ؟  
این او کندن بلیر

جانلی ، شانلی بر ملت ،  
این او کنه حرمت ایت !



ناصل اکلنملی ؟

ایکی قاردش برابر  
برتارلا . اوینارمش ؟  
او تارلانک صاحبی  
برچفتجی اختیارمش .

« نماز وقتی اولمشدر ،  
دیه رک اختیارجق  
پابوجنی چیقارمش ،  
دورمش نمازه ؟ آرتیق

این اوکی میداننده !  
توركك ياقوت قاننده

جوشان يکیت استقلال  
این اوکنده برهلال

اولدی ؛ صوگرا « ساقاریا » ،  
« دوملوپیکار » آرایه

کیردی ؛ نهایت از میر  
آلیندی دوشماندن . بر

این اوکی آوروپایی  
ییقدی ؛ یوز بیك قایایی

یووارلادق یونانه ،  
این اوکندن قاننه

کیردك صیرتلان دوشمانك ،  
جانی چیقدی یونانك !!

ای وطنك اولادی ،  
از برله بیك برآدی .

ایشته شیمدی سکا این  
ویرم جان اویمدن

بویله برنام دیکله باق  
« این اوکی ! » اک بویوک حق

اک یوکسک قهرمانلق  
اک مبارک انسانلق !

این اوکی ! حق او جافی  
شانلی وطن بوجافی

این اوکی الله یوردی !  
ملتم اورده قوردی

جمهوریت تختی !  
تورک سلاحی تختی

این او کندله دگه دئی  
هم وجدانی هم کندی

این او کندن بلیردی  
وطن بر الله یردی



این او کی  
 این او کی

بعضی ناملز واردن که کلمه چو چو  
 هر چو جوق قلبنده کی

اے مقدس ناملر که چو چو  
 یاننده ، بو کون ، یارین ،

هر دقیقه هر زمان ، بو کون ، یارین ،  
 دائما جانلی دوران ، بو کون ، یارین ،

براعتقاد قالمالی بو کون ، یارین ،  
 چو جوق یواخی قالمالی بو کون ، یارین ،

اوندن شانلی ابرعبرت ، بو کون ، یارین ،  
 هر فضیلت هر غیرت ، بو کون ، یارین ،

بیلمه لی اونامدن ؛  
 بوتون مبارک وطن ، بو کون ، یارین ،

طانیمالی اونسکه ، بو کون ، یارین ،  
 فلکه آل و صاقلا ، بو کون ، یارین ،

لکن اون ییل کچسین هله ،  
بدیکه اوندن اول بیله ،

بوکوچوچک طابور کیده ر ،  
وطنه جان فدا ایدر .

ذاتاً هربری طانیلیر :  
یا بر شهید اولادیدر ،

یا بر غازی طورونیدر ؛  
عسکر اوغلی عسکر اولور .

شهید قانی جانه کچر ،  
اوجان دوشمان قانی ایچر !

کوچوک طابور ، سکا جاندن ،  
سکا اک عالی وجداندن

هر لحظه بیک حرمت کلیر ؛  
بویوکلکک نه بللیدر !

آج یولکئی ، یورو ، کیت سن ؛  
الله طوتار آلرگدن !

تورکو باشلادی . یاربی !  
ملک تورکولری کی

دویولان سس جان اوینه  
کیریور انسانک ینه !

ایشته شیمدی بر آفندی  
دوردی ؛ قوللریله کندی

اوغلنی یردن قالدیردی ،  
طابوره سلام آلدیردی !

کوچوک آلدن کوچوک سلام ،  
فقط ویردن بویوک اسلام !

بونلر مکتبلیمی ؟ یوقسه  
عسکر می ؟ هر نه ده اولسه

وطنک کوچوک اولادی ،  
استقبالک بویوک آدی !

شیمدی مکتبلی طابوری ،  
نه تفت وار نه ده بورو ؛

صیغماز قادار قوجا بایراق  
صاغ طرفده ساللانا راق

پاریل پاریل پارلار، اوچارا،  
کوزلره شفق لر آچار!

تیراب تیراب... طابور کیده ر،  
تیراب تیراب... سلس عکس ایدر

کچنلرک قولاغنه،  
طابور صولنه، صاغنه

باقادن دوغرو کیدیور،  
انسانی حیران ایدیور.

تیراب تیراب... نه انتظام!  
نه بویوکمش کوچوک نظام

ایکی یاندن معلملر،  
طابوره نظارت ایدر.

شیمدی فلاوتالر دوردی،  
معلم الی اوردی،

بکا اوینله برباقدك كه

مینى مینى روحكده كى

معنا دوشدى جان اویمه،

صاقین بوتون بوتون کیتمه!



## مکتب طابوری

مینى مینى مکتبیلر

صیراسیله دیزلشله،

اوکلرنده بویوکلری،

لکن اونلردن ایلری

داها بویوكل دورت آرقاداش،

أللرنده برآز تلاش،

کوچوجهكك فلو تلزله

برمارش چالیمورلر . آله

## تارلا قوشی

تارلا قوشی نہ کوزہ لدر :

بولوتلردن سوزولمش بر

نور طوبیدر ، صانکہ سحر

قورشونی کو کسندہ کولر ؛

سیاہ اینجی باشجغزی ،

قانادی الماس یاغیزی ؛

قیرلانغجه براز بکزرہر ،

سہ کہ سہ کہ چیقار کزرہر ؛

آتلاز ، آتلاز ... ینہ دورور ،

اوزون قویروق یرہ اورور .

تارلا قوشی ، تارلا قوشی ،

بندن اول سن یوقوشی

چیقیویردک ، تپہ جکدن

کوزلریکی سوزہرک سن

## نصرالدين خواجه ايله ليلك

نصرالدين خوجا بركون بر ليلك  
طوتمش ، ديمش كه « بو قيافت نه ؟

اويامش ، سنك بويك ا ككه :  
نه فالين كو كده ، نه اينجه بيلك !

برارشون غاغا ، اوج ارشون باجاق ؛  
خلقتكده بر يا كلش اولاجق ! »

بر ييجاق آلمش ، باجاقلا ايله  
غاغايي كسمش ؛ اوزمان هله

منون اولارق ديمش : « آفرين ،  
ايشته شيمدي بر قوشه بكزه دك ! »



دکیل پورصوق حتی یورغون  
 اولامازدی قلبک : قوزغون  
 برییلدیرم کیبی دوغدک ،  
 یانار داغلر صاچوب بوغدک  
 سورو سورو صیرتلانلری ،  
 یره کچدی قالب جانلری !  
 بوتارینجی یازیورکن  
 بلیریردی کوزلرکدن  
 قرآن قادار اوولو معنا ،  
 حق جانلیسک سن ، آما !





کیم اوقوسه تاریخیکی ،  
 کورویورکه بویوک دینی  
 سن طومشسک ایمانکله :  
 میلیونلرجه قربانکله  
 اونک طوبا اغاجنه  
 صو ویرمشسک ؛ قانه قانه  
 ایچمش سنک صاف قانکدن ؛  
 جان آلارق وجدانکدن ،  
 او آغاج دال ، بوداق صالمش ،  
 مسلمانلق بویله قالمش !  
 تاریخیکی ینه بوکون  
 یازدک ، همده الله ایچون  
 اویله یازدک که روحکدن  
 قوپان عشقه بوتون جهان  
 حیران اولدی ، او جهان که  
 سنک پولاد جسمکده کی  
 جوهر اوزی کورمیه رک  
 دیوردی : بوپورصوق یورده  
 دوراچقدر بوکون یارین ،  
 مزارینی قازک ، قازک !

## اناطولی

اناطولی ، اناطولی ،  
ایچک ، طیشک ارسلان دولو ؛  
هر اوواکک هر داغکک  
هر بوجاغی ؛ طوپراغکک  
هر قاریشی برقهрман  
مزاریدر ؛ بوتون جهان  
سنی طانیر شهید ایلی .  
جنتلرک اک کوزملی  
باغیر کده در اوولو طوپراق .  
قانی کو کدهک شفق شفق  
پاریلدا یور حق نورندن ،  
هی کوک قادار شانلی وطن !

اوتەدن

قاریشه رق خوجا سوزه دیدی : « سن  
بوصباح چوق اویقویدك اولادم ،  
معدەك شیمدی دیککنملی ! قابادم

بن مکتبک قایدینی ، یریکه  
اوطورده بی ، جانک ایسترسه ینه  
بول بول اویقو ! »

نجدت اوکون آج قالدی ،  
قارنی آقشام بشه قادار زیل چالدی !

فقط اوکون آکلادی که چو جوقلر  
ایشلرینی هپ منتظم یاپارلر ؛

مکتبلرده یارامازلر اویوقلار ،  
اویونکده اویقونکده وقتی وار !



هیچ تأثیری کورولمیدی ..... بر صبح  
ینه نجات دالیدی اویقویه ....

— واه ، واه ،

دیدیدی خوجا ، پک یورولمش براقک  
اویوسون او ، درسکزه سز باقک .

هپ چوجوقلر آیرلایلر یانندن ،  
نجات دالیدی اویقوسنه ، جانندن

اوصامش براختیار جق حاليله !  
اوکله اولدی ، دویمادی روحی بیله ...

یمک یندی ، حالا نجات اویویور ....  
قارنی لکن آجلغنی دویویور ؛

هله آچدی کوزلرینی ....

— ساعت قاچ ؟

یمک وقتی اولمادیمی ؟ قارنم آج .

یمک وقتی چوقدن اولدی ده کچدی !  
یدیکز ها ! نه یاپارم بن شمدی ؟  
چیق طیشاری برسمیت آل ...

— سن درسه

باقایورسك نجىت ینه ، كوزىكى  
آچ باقالیم ، كوستر بزه یوزىكى!

دییه خوجا باغیردیمی ، نجىت بك  
تیتیرهرك اویانیردی . بویله شی

برمكسبده هیچ اولورمی ؟ چوجوقلر  
مكسبلرده چالیشیرلر ، اوینارلر ،

لكن اویقو اویومازلر ؛ مكسبى  
كورملیدر هرچوجوق جامع كیبى ؟

اوکا حرمت ایتلیدر . نجىتده  
بونى تقدیر ایدیوردی ... اوینده

صباحلری لكن یورولور برآز ،  
اویوقلاردی مكسبنده یاراماز .

خوجا اونى سكیز اون كون چاغیردی ،  
تنیه ایتدی ، تكدیر ایتدی ، باغیردی ،

تمیز اولك قوشلر ، كللر كيبي سز :  
 ملك اولان تميزلكي چوق سوهر ؛  
 قلبكزه بکزه ملی چهره کز ،  
 يوقسه اوپمز سزى جيبي آينه لر .



## كوچوك نجات

كوچوك نجات بك ياراماز چوجوقدر :  
 اوهر صباح كون دوغمان اوياير ،  
 « چوق وقت وارمكتبه ! » دير ، آلدانير ،  
 قوشار ، اوينار باغچه لرده يورولور ؛  
 مکتبه کوچ حال ايله کیده ردى ،  
 مکتبه ده درسى اهام ایده ردى .

هله خوجا کنديسنى کورمرسه ،  
 قور باشنى صيراسنک اوستنه ،  
 يوموشاجق ياصديق بولمش ده ينه  
 ياتيورمش کي دالار !...

یاورولری دیلیریلہ یالارلر ،  
قابلان بیلہ یاورو قابلانی ییقار .

قوجہ ماندا صوکوردیمی آتیلیر ،  
دالغارک سوروسنہ قاتیلیر ،

ساعتلرجه یوزہ یوزہ ییقانیر ؛  
تمیز اولمق بروظیفہ برحقدر .

یاشامقمی ایستیورسک ؟ تمیزن ؛  
کوزہل چوجوق ، صاقین کیرلی اولماسن !

کری قالما اوتدن ، قوشدن ، حیواندن  
صوکر کیمسہ سومز سنی آفاجان .

دینمزجه ایماندندر نظافت . [۱]  
چوجوقلری تمیز اولان برملت

هرملتک حرمتنی قازانیر ،  
تمیز اولمق بروظیفہ برحقدر !

---

[۱] النظافة من الايمان . - حدیث شریف -

## تميزلك

آغاچلار باقك ناصيل تميزدر ،  
ياچيچكلر ؟ تميزلكدن تيزره شير ؛

كونش تويلو قوشلر ناصيل پاريلدار  
تميزلكله ؛ چوجوق كېي ييلدزلر

ناصل تميز تميز مائي كوكلردن  
باقيشيرلر ؛ بولوت داغدن كچر كن ،

دالغا يردن يوكسه لير كن ناصيل بر  
تميز يوزلو الماس چيچك كيدير ؛

حيوانلري سير ايديكز : هېسنك  
تميزلكدر اك بويوك ايشي بيلك .

كدي ، كوپك يالانهرق تميزلر  
وجوديني ؛ هله بوتون انهلر



شانلی تورک ملتئده  
بویله بر رئیس شایندر .

بوکون وطن آفاقنده  
مصطفی کالک یوزی  
پارلایور ، باقک چوجوقلر ،  
کوروک : اونک شمشک کوزی

بوتون آتی یه ایشله یور !  
اللهک علوی مرامی  
اودر بوکون ، ابدیدر  
وطن تار یخنده نامی !



بو طوپلانیس قارا کفرک  
حالا جانی کیریر !

قارا کفرک اور دولری  
وطنک تاجان اوینه  
صوقولمشدی ، مہ سندن  
قان دو کردی وطن انه !

مصطفی کمال اوزمان  
» بو غاجم بن دشمنی  
وطن آنانک قویتمده  
دندی [۱] و بوغدی یونانی،

صو کرا داغ قادار لشی  
فیرلاندی دکیزه آتدی !  
او قوجا اشلہ برابر  
اوروپانک غیظی باتدی !

ایشته بو کون ریٹسمز  
بوایشی کورهن انساندر .

---

[۱] » دشمنی یوردیمزک حریم عصمتنده بو غاجم !  
- مصطفی کمال -

دیورلردی : تورك ملتى  
 بیتدی ، کیتدی ؛ تورك وطنى  
 پارچالاندی ؛ بوکون ، یارین  
 چیقاققدر توركك جانى .

بویامان ، بوزوق اعتقاد  
 یالکیز دشمانلرک دکیل ،  
 بر چوق غافل توركك بیله  
 اعتقادیدی ، بونی بیل !

لکن برسس ، کوکدن اینن  
 برکور صدا دیدی : « خاییر ،  
 خاییر توركك محو اولاماز :  
 الله وارددر ، ملت وارددر ! »

بوحق صدا دویولونجه  
 دنیا یرندن اوینادی ،  
 طوبلادی تورك ملتى  
 مصطفى کمالک آدی .

بو طوبلانیش برتاریخده  
 کورولمه مش بویوک ایشدر !

## جھور ریلیسی

بزم بویوک رئیسمنز  
مصطفی کمال پاشادر ؛  
تورکک جھوریتنی  
او یاراتدی ، او یاشادیر .

مصطفی کمال آدینی  
دفترک باشنه یازک ،  
اونک بویوک سیاسی  
کوچوک قلیکزہ قازک !

چوجوقلر ، قلیکز مزک  
اللہک کوز بیکیدر ؛  
جھور رئیسمنہ سرای  
چوجوقلرک یورہ کیدر .

شعر دمتی

دو غمش سکوود داغندن ،  
 هنده قادار یورومش .  
 حق یولنده دو کدیکی  
 قاتلر ارضی بورومش .

سنك ایدی بو عالم  
 اوولو سانجاق ، حق سانجاق !  
 اوچ یوز میلیون مسلمان  
 ینه سنك اولاجق !!



## سانجاق

شهيدلرک قانيه  
آدر وطن طوپراغي،  
اونک ايجون آل اولمش  
تورک قومنک سانجاقی.

قیزیل بر داغ قوينندن  
آی ییلدیزی آلارق،  
یره دوشمش بر بولوت،  
اولمش بزه آل بايراق.

آل بايراقده کوردیکک  
تورکک خالص اوزیدر،  
آی... تاريخک قیلجی،  
ییلدیز حقک کوزیدر!

## اللهك نعمتي [۱]

بولوت ، روزگار ، کونش ، طوپراق  
کيجه ، کوندوز چالیشه رق

سکا ا کمک یتیشدیرر؛  
سنک ایچون نه ذلتدر

او ا کمکی چالیشمادن  
یویرمک! بونی انسان

اولان قبول ایتمز اصلا.  
قبول ایتمسه بیله مولی

اوکا نعمت احسان ایتمز:  
قولسز یردن بوغدا ی یتیمز.

اوی اللهك قانوننه ،  
الله نعمت ویرسین سکا.

---

[۱] سعدینک مشهور قطعه سندن مقتبسدر .

دردنجی خلیفه « علی » ،  
انسانلرک او ا کملی ؛

عنوان جلیلی « حیدر »  
بویوک انسان ، بویوک عسکر ؛

ألنده قاتلی « ذوالفقار » ،  
اهل کفری اورور ، قیرار

غزالرده شان آلیردی ؛  
اونک یاننده قالیردی

اک قهرمان دشمن عاجز .  
علی یی پیغمبریمز

پک چوق سوه ردی ، نه دولت !  
علم و ادب ، شعر و حکمت

هر سوزنده منجلیدر ،  
« باب علم » [۱] اولان علیدر .

اونی مدح ایدیور مولی ،  
رضی الله تعالی .



تاریخ آسمانہ اعلا ،  
رضی اللہ تعالیٰ .



اوچنچی خلیفہ « عثمان »  
فطرۃ ٲک بویوک انسان؛

« ذی النورین » عنوان شانی ،  
جمع ایدہن اودر قرآنی،

حلم وشفقتلہ یکتادر،  
مجسم نور حیادر.

زمانندہ افریقادہ،  
خراساندہ ، قافقاسیادہ

فتح اولوندی بر چوق یرلر ،  
ہندہ قادار چکدی لشکر .

قدر و شانی غایت بالا ،  
رضی اللہ تعالیٰ .



ایکنجی خلیفه « عمر » ،  
مسلمانلر تقدیس ایدر

عدالت و عرفاتی؛  
اسلامیتک شانی

او در دنیا به او کرده دن .  
روح آلدی عدالتندن

میلیونلرجه اهل ایمان،  
دنیا دولوسی مسلمان !

« فاروق » عنوان شانیدر ،  
عدالتک سلطانیدر .

ایرانی ، مصری او آلدی ،  
زماننده سایه صالدی

شرق و غرب به اسلامیت؛  
حضرت عمره امت

الی الابد ایدر حرمت .  
اونی ایدر تا قیامت

فضیلت و شرافتی ،  
مسلمانانغه خدمتی

آسمانلر قادار عالی ؛  
تاریخده یوقدر امثالی .

او کلمسه‌یدی دینمز  
قالمایا جقدی ، اونی بز

نه قدر سوسه‌ك شایاندر ،  
« یار غار » اوکا عنواندر .

زماننده مسلمانلر  
برچوق مملکت آلدیلر ؛

ایکی ییلاق خلافتی  
یتیشدیردی بوامتی .

نامی « صدیق » شانی اعلی ،  
رضی الله تعالی .



سفی البت دها فضله سوه رز  
آنه مزدن ، بابامزدن بیله بز.

قرآنکدن سنک سسک دیولور ،  
قلیمزه محبتک اویولور.

کوچوک امتکک بویوک روحیسک ،  
سکا بوتون چوققلر فدا اولسون!

الصلاة والسلام عليك يا رسول الله !

الصلاة والسلام عليك يا حبيب الله !



جهار یار کزین

پیغمبر افندیمرک

دزت یاری وارد اوکره نک :

برنجیسی « ابوبکر »

او اک بویوک خلیفه در .

« ھەرچو جوق مسلمان دوغار » [۱] دیبهرک .  
یا محمد بو سوزیکی او کره نمک

بزه بویوک یوده ککی بیلدیرر ،  
ھەرچو جوغک تمیز روحی سنکدر .

اوولو کعبه ک قلمزدم آچیلیر ،  
بوزمزدن سنک نورک صاحیلیر .

یارسول الله ، بویوکسک سن بویوک ،  
بز چو جوقلر بو عالمده پک کوچوک

امتکز ، فقط کؤکده بیلدیزلر  
ناصیل چوقسه دنیا ده ده او قادار

چوق صبی وار ؛ ھربرینک قلبندن  
حق دینسکک بر بیلدیزی دوغارکن

سنک روحک عرش اعلا ده کولر ،  
اطرافکده اوچار یاورو ملکدر .

[۱] مامن مولود الا وقد یولد علی فطرة الاسلام ثم ابواه  
یهودانه وینصرانه ویحجسانه  
صدق رسول الله

یا محمد

یا محمد، بویوک پیغمبریمز،  
بز سنی تاجان اوندن سوه رز.

هرچو جوغک کوچوک قلبی سنکدر،  
معصوم اولان رسول اللهی بیلیر؛

بز معصومز، قلبمزله آکلارز.  
سنگ دنیا جنتکده بز وارز.

حسنکی، حسینهکی نه قادار  
سن سوه ردک؛ ایشته بوتون چوجو قلر

نظر کده اولادیکنک اشدیر .  
چونکه هپسی اوولو دین قاردشیدر .

دیمک سن ده بزى پک چوق سوه رسک،  
بونى بزهینه بیلدیردک کندک

سنك ميلونلرله جهان ،  
ديهرك اي اوولو يزدان !

كيجه كوندوز ، صباح اقشام ،  
اوچ يوز ميليون اهل اسلام

« الله اكبر ! » دير دورور ،  
بوسسلر عرشكه اورور .

بنی ده دیکله یاربی ،  
بر کوچوچك ملك کیی

کوچوک یوره کله بنده  
ایدیویورم سکا سجده !

« الله اكبر » دییورم ،  
سکا تحمید ایدیورم .

پك بویوكسك سن اللهم ،  
بونی قابله آكلارم ؛

صوکی یوقدر رحمتکک :  
آنه می یارادان سنسک !

## « ندیمہ » جکک توحیدی

نہ بویو کسک اللہم سن ،  
بن او کرہ ندم درس لرمدن :

چو جو قلی ، انسانلری ،  
یاورولری ، حیوانلری ؛

قادرلری ، دریالری ،  
سمالری ، دنیالری !

داغی ، طاشی ، قوشی ، قوردی ،  
کوی ، شہری ، اوی ، یوردی ؛

اووالری ، اورمانلری ،  
صحرا لری ، عمانلری ،

ہپسنی سن یارا تمشسک !  
مائی کوکلرہ آتمشسک

بیتمز ، توکنمز عالملر ؛  
حضور کدہ سجدہ ایدہر



اسلامك شرطلى

اسلامك شرطلى بشدر :

كله شهادت بر ؟

صوم و صلات ، حج و ذكات ؟

ايسته بش اولدى . اوكره نير

بو بش شرطى هر مسلمان ،

اوكره ن يا وروم ؟ اكلا ، اينان .



بسم الله الرحمن الرحيم

بسم الله الرحمن الرحيم ايله  
باشلايالييم او قومغه ؛ بسمله

هرخيرلى ايشده بزه واجيدر ،  
الله آدى هرشيدن اول كلير .



لا اله الا الله محمد رسول الله

هركون ديرم : لا اله الا الله  
محمد رسول الله . بوبنم

اك مقدس وظيفه مدر بيليرم :  
اسلام دينى دينم الحمد لله .



سویملی برجیچک اولان  
« دمت » سزک کندیگزدر.

منزی آلام بن روحمدن  
ینه سزه ویردم ؛ کلیر

سزه طاتلی شعرلرم ،  
بونى پک ایی بیلیرم .

لکن کوزهل یاوروجقلر ،  
سزدن کوکلم شونی اومار :

شاعری ده براز سویک ،  
« دمت » سزک ، بن ده سزک .



## ياورولره

مینی مینی یاوروجقلر ،  
شو « دمت » ی سزه ویردم ؛  
آلک ، باقک : سزک قادار  
سویملیدر ؛ چونکه بنم

یوره که نازلی نازلی  
باقیشلرک معنالی  
ایشله نیجه ... او پک طاتلی ،  
پک یوموشاق ادالری ،

او ایپکلی خنده لری ،  
طوبلار قلم ؛ صوکرار صارار  
دمت یاپار ؛ بوهر بری  
کوز بیکی نوری قادار

PL  
248  
86455  
v.1

1059783

علی اکرم

دارالفنون مدرسہ لندن

# شعر دہمتی

برنجی کتاب

— یاورولہ —

ایک تدریسات مکتبہ لہ نہ مخصوص :

دینی ، اخلاقی ، ملی ، اجتماعی ، وطن پرورانه شعرلر ،  
تربوی حکایہ لر ، تغیلر ، بیلمجہ لر .

طابی :

ایراہیم علمی

کتابخانہ علمی نومرو ۸۱

استانبول

۱۳۴۰

[ اورخانہ مطبعہ سی ]





ALF EKDI

ل

علی اکرم


دارالفنون مدرسہ لندن

# شعیر دہمتی

برنجی کتاب

— یاورولہ —

ایلاک تدریسات مکتبہ لہرنہ مخصوص :



طابی :

ابراہیم ملی

کتابخانہ حلیم نوسرو ۸۱

استانبول

۱۳۴۱



PL  
248  
B64S5  
v.1

Bolayır, Ali Ekrem  
Şi'r demeti

PLEASE DO NOT REMOVE  
CARDS OR SLIPS FROM THIS POCKET

---

UNIVERSITY OF TORONTO LIBRARY

---

